



ANNALIUM PROVINCIÆ S. JOSEPHI

Ordinis Excalceatorum SSS. TRINITATIS
Redemptionis captivorum.

LIBER V.

SYNOPSIS.

Exponitur novi Sæculi varium initium in cruentissima bella declinans. Ordinis comitia novum dant Generalem Ministrum. Primus Lapis ad construendam Illaviensem Ecclesiam collocatur. Septima succedit Redemptio captivorum. Examen apum Viennensi nostro templo inhærens omen facit secuturæ cuiusdam felicitatis, atque alia simul quædam memorabilia recensentur. Privilegia Patribus Redemptoribus ab Apostolica Sede concessa ad hanc nostram Provinciam sub aliqua tamen limitatione extenduntur. P. Isidorus a Visitacione in Mari Britannico exorta ferocissima tempestate naufragus vitam finit, ejus hic elogium. Pragæ agitur de novo Ordinis cœnobio condendo, hospitiō primū ex donatione ejusdem urbis Archi-Episcopi impetratō. LEPOLDI MAGNI Romanorum Imperatoris lugendus obitus. Obiit & Comaromiensis nostri cœnobii Fundator Excellentissimus & Reverendissimus D. Ladislaus Episcopus Nitriensis Regni Hungariae Cancellarius.

CAPUT I.

Præsentis temporis status. In Hispania Ordinis Generalia celebrantur Comitia: in Hungaria verò Primus Lapis pro nostra Ecclesia Illavienzi collocatur.

Novi sæculi
status.



Ovum ordimur Sæculum! Annus incipit a partu Virginis primus post millesimum & Septingentesimum. Aurea pax, lætaque temporum tranquilitas, quæ post tot cruentas cædes & funestas clades non ita pridem in Oriente gratam faciem extulerat, in Occidente lugenda rerum vicissitudine in horrida bella, multorumque Regnum vastationem degeneravit.

Reli-

Reliquiae præteriti anni sœcularis sequentis sœculi malorum fuere semina. Luctus primò, posteà cruentissimi belli causam præbuit Europæ mors CAROLI II. Improris Regis Catholici, quem anno superiore prima dies Novembris mortalium consortio eripuit, & ad meliorem vitam transtulit. Huic nobili funeri tota fermè Europa parentavit non tam lacrymis, quām immensa vi sanguinis effusa. Quis crederet? e Regio tumulo emersit atrocissima tempestas, quæ innumeros mortalium pessum dedit, & in tumulum præcipitavit. Grandis ubique surrexit inquies animorum, & studiis in contrarium scissis diversæ protinus, sibique infensissimis odiis oppositæ factiones coaluerunt, dum quisque spes suas, aut jura persequitur. Bellonâ itaque truculentum flagellum quætiente Mars cristas erexit, & madidum adhuc a præteriti sœculi cruore acinacem gaudens resumpsit in propria deinceps viscera grassaturus. Ob unius Regis testamentum oriuntur jam non controversiae solùm, sed dissidia & apertum bellum: Orbis summa colliduntur capita, præcipiti Regnorum vertigine motus & convulsiones Christianæ Reipublicæ conflantur, mutuisque armis & odiorum dira rabie omnia permiscentur. Sed quid attinet obductam cicatricem refricare, & in recensendis illorum temporum calamitatibus restitancem calamum occupare, præcipue cùm id ab aliis cumulate jam, ubertimque præstitum fuerit, taliūmque rerum relatio a muneris mei ratione multūm abhorreat. Quamobrem, ut illis tragœdiis prætermissis ad nostra gressus recipiam, primum annum hujus sœculi cursim exponam.

II. Annus iste, utùt aliarum rerum memorabilium sat sterilis, novos tamen Superiores Ordini nostro dedit; evolutô namque sexenniō, quô noster P. Joannes a S. Antonio supremum sacræ Religionis nostræ Magistratum administravit, Patres in oppido Torrejone de Velasco die vigesima tertia mensis Aprilis ad Generalia comitia congregati eidem in hoc supremo munere communibûs suffragiis substituerunt P. Joannem a S. Athanasio virum eximie doctum, ac editis in Regulam nostram primitivam eruditissimis Disputationibûs, quas duobûs tomis complexus est, clarum.

III. In hoc eodem Generali Conventu P. Joannes a JESU Maria sacræ Theologiæ quondam in Academia Salmanticensi Professor, & cœnobii nostri Herbasensis Minister emeritus, nostri Conventûs Viennensis Minister designatus est; verùm a longè nobis monstratus solùm, non datus fuit, nec acceptus, acceptissimus alias futurus, nisi vir litteris ac virtutibûs longè commendatissimus fractæ valetudinis obtentu officium resignasset, & longinquum in Germaniam iter subire detrectasset, ut proinde cœnobium Vienense altera jam vice suo Pastore viduatum fuerit. Dictus autem P. Joannes sequentibûs annis suæ Præfector Provinciæ ac demum Definatoris Generalis munere potitus fuit. Quamvis autem tot officia in nostro Ordine administraverit, nunquam tamen (quæ erat tanti viri indefessa solertia) a prædicatione Verbi Divini destitit, aut calamo inducias concessit, sed continuè eruditis suis libris Rempublicam Litterariam illustravit; quorum catalogum,

1701.

Mors CA-
ROLI II. Re-
gis Catholici
causa bello-
rum.

Ab iis refe-
rendis Auctor
se excusat.

Ordinis Mi-
nister Gene-
ralis eligitur.

Minister
Viennensis P.
Joannes a JE-
SU Maria ele-
ctus resignat
officium.

Alia ejus
officia.

1701.
Ejusdemque
opera.

cum majorem eorum partem latinitate donatam P. Josephus a S. Maria Austriacus Viennensis typis vulgaverit, huic loco attexere visum est: Scripsit igitur patrio idiomate aliquot tomos, quorum primus & secundus sermones in omnes Dominicas totius anni, tertius & quartus autem conciones habent de omnibus Festis in anno occurrentibus; quintus & sextus item sermones in omnes dies totius quadragesimæ. In septimo tomo Mysterium Sanctissimæ TRINITATIS moralibꝫ & prædicabilibꝫ discursibꝫ exponit. Et hæc septem volumina operâ & studiô supralaudati P. Josephi in latinum idioma conversa lucem publicam jam asperxerunt. Aliud autem volumen sub hoc titulo: *Liber vitae in scola mortis* latinè quidem loqui didicit, nondum tamen typis expressum, in manuscriptis adhuc latet. Restant præterea alia duo volumina ejusdem auctoris *Scala* nimirum felicitatis & infelicitatis, & Catechismus pro usu Parochorum, sed Castellano idiomate conscripta, ac nondum, quod scio, in Latinum translata; sed de his satis.

Minister
Viennensis si-
mul etiam
Commissarius
Generalis.

P. Redem-
ptor confir-
matnr.

Eleemosy-
nas colligit.

Illaviae Reli-
gioforum mu-
tatio.

Pro Ecclesia
Illaviensi Pri-
mus Lapis po-
nitur die 23.
Julii.

IV. Cæterum P. Martinus ab Ascensione, qui Leopoli apud Polonus Philosophiam & Theologiam fratribus anteà prælegerat, posteà verò Conventū Leopolitani, ad S. Nicolaum nuncupati extrâ muros, cuius ipse, sicut etiam Camenecensis in Podolia præcipuus auctor fuerat, præfecturam gesserat, ad nostram Provinciam evocatus fuit, ut cœnobio Posoniensi præcesset. Verùm priusquam ille Posonium perveniret, everso priore decreto alteri muneri admotus a nostro Generali Definitorio Viennensis Minister declaratur, cuius administrationem deinde die vigesima quinta Septembris suscepit, & paulò post etiam Commissarius Generalis per Austria & Hungariam renunciatus, utrumque officium difficillimis illis temporibꝫ magna prudentiæ commendatione sustinuit. Porrò P. Josephus a Sanctissimo Sacramento, qui nunc iterum in Redemptoris officio confirmatus fuit, zelō charitatis motus, civitates Imperiales & aulas Germanicorum Principum percurrit, ut eleemosynas corrogaret, quibus septimam pro captivorum solatio Redemptionem celerius inchoaret.

V. Illavia quoque suas mutationes sensit; recentiores siquidem Ordinis nostri Alumni absolutis ibidem Philosophiæ studiis ad condiscendam scientiam Theologicam Posonium amandati fuere, in quorum locum illi successerunt, qui Viennæ post emissa solemnia Religionis vota indè discesserant, ut Philosophiæ pariter curriculum cum bonis superis Illaviae auspicarentur; quod domus illa aptissima censeretur novis plantulis sub disciplina Magistri ritè instituendis. Priùs tamen P. Josephus a JESU Maria Illaviensis Præses post absolutam cœnobii fabricam satagere cœpit, ut Primus Lapis pro ædificio Ecclesiæ ibidem fundamentis impuneretur; haec tenus enim necessitate id exigente cœnobii ambulacrum nobis facelli & chori usum præbuerat,

VI. Hæc autem Primi Lapidis impositio sequenti modô peracta fuit: in argentea lamina, purissimò aurô ideo obducta, nullo unquam sacerdorum successu rubiginem posset contrahere,

inscripta fuerunt, rudi quidem Minervâ, Fundatorum nomina. Ad diem vigesimam tertiam Julii pro obeunda functione invitati sunt Reverendissimus Dominus Joannes Frideczkius Præpositus B. MARIAE Virginis de Raik, Cathedralis Ecclesiae Nitriensis Canonicus, Archi-Diaconus Trenchinensis, simul & Illaviensis Curio fundamentalem Lapidem sua benedictione consecratus, & Illustrissimus Dominus Joannes Theodorus Liber Baro de Pfeffersho-ven sacræ Cæsareæ Regiæque Majestatis Sub-Tribunus, Liberæ Re-giæque Civitatis, Arcis & Præsidii Trenchinensis pro tempore Gubernator Primum Lapidem Fundatorum vicario nomine pos- turus. Cum dies adesset, rebûs omnibûs jam præparatis, Reve-rendissimus Præpositus supra laudatus vestimentis Pontificalibûs amictus, & Ecclesiasticis ministris stipatus, impositâ priùs argenteâ laminâ Lapidem solemnibûs verbis benedixit; quô factò con-festim in erutam fossam descenderunt omnes, in qua Illustrissi-mus Dominus Joannes Theodorus argenteis instrumentis, malleo videlicet, & trullâ, ad hoc munus obeundum peculiariter fabrefa-ctis, ministrante Domûs Architecto cæmentum, Primum funda-mentis immersit Lapidem, tribûs in honorem Sanctissimæ TRI-NITATIS pro Majorum instituto datis ictibus: continuò cæmen-tarii subsecuti alacri animo, ac manibûs feliciter inceptum opus exaltare conati sunt, nec desitissent, nisi annis sequentibûs sub-orta intestina bella operis consummationi intercessissent: scilicet optima quævis proposita dissipantur, & evanescunt, quando in cruentas Martis manus incident. Sed de his satîs; nunc ea, quæ ad spiritûs ædificationem suppetunt, prælibabimus.

1701.
Pro Ecclesia
Illaviensi ri-
mu. Lapis po-
nitur die 23.
Julii.

C A P U T II.

Septimam captivorum Redemptionem recenset.

I. Succedit annus secundus sæculi decimi octavi, qui nobis ube-rem scribendi materiam suppeditat. Diximus superius P. Jo-sephum a Sanctissimo Sacramento in officio Redemptoris confir-matum fuisse: hic itaque post numerosissimam illam ante duos an-nos Byzantii peractam Redemptionem saluberrimum fore censuit, si nunc aliquam Tartariæ provinciam adiret, & detentos in ea captivos redimeret, satîs nimirùm gnarus, neminem illorum in præcedenti Redemptione libertati assertum fuisse. Ne itaque miseri illi diutiùs amara torquerentur servitute, æquitati & rationi consonum esse judicavit, illis quâm citissimè subvenire. Quarè jam ab ipso currentis anni principio ad hunc finem sua direxit con-silia, curásque omnes eò convertit, ut quamprimum id fieri pos-set, desolatis illis & derelictis hominibus opem ferret. Per omnes igitur templorum valvas & concionatorum ambones plenum pie-tatis iter publicavit, & universos Christianos ad tam insigne cha-ritatis opus suis eleemosynis promovendum invitavit.

1702.

Septimæ Re-
demptionis
initium.

In Tartariam
mittenda Re-
demptio pu-
blicatur.

II. Ast quoniam præstituti itineris ratio postulabat, ut Va-lachiam & Moldaviam pertransiret, & præterea in propatulo erat,

M m m m

quan-

1702.

Cæfaris Epis-
tolæ ad Va-
lachie & Mol-
daviae Princi-
pes impetrantur.

quantum momentum harum terrarum Principes Redemptionis negotio maturando & perficiendo sua auctoritate adferre valeant (quod non unō jam anteā experimentō didiceramus) ideo ad complanandas omnes difficultates, quæ tam salutari proposito adversaturae timebantur, P. Redemptor Augustissimo LEOPOLDO I. Romanorum Imperatori supplex factus eidem demissè exposuit, quantis ipse alias, ejusque antecessores ab harum provinciarum regulis cumulati fuissent beneficiis & adjuti præsidii: oravit proinde, ut sua Sacratissima Majestas datis ad eosdem Valachiæ, & Moldaviæ Principes litteris Ordinem Trinitarium illis officiosè commendare dignaretur, ipsosque ad ulteriores Redemptioni favores exhibendos cohortaretur, & gliscentem in eorum præcordiis charitatis ignem suā Epistolā magis etiam inflammaret, præcipue cùm horum Principum interventu aditus in Tartariam facillimè pandi posset. Augustissimus Imperator Patris precibus benignè inclinatus ad utrumque Principem litteras dedit officiorum plenissimas ejusdem ferè tenoris pauculis exceptis, quarum exemplar nunc subjicio.

LEOPOLDUS.

Cæfaris Epi-
tolæ.

Lator præsentium P. Josephus a Sanctissimo Sacramento Ordinis Sanctissima TRINITATIS Discalceatorum de Redemptione captivorum, & eorum modò constitutus Redemptor prædicavit Nobis singularem Sinceritatis Vestrae Liberalitatem, Munificentiamque, ac Pietatem, quam in nupera Redemptione erga ipsos miseros captivos in magnam totius Christianitatis edificationem exercuit. Cùm autem iterum redimendorum Christianorum causâ in Tartariam profici intenders eum in finem validâ Sinceritatis Vestrae assistentiâ & patrociniô indigeat, Nobis denuò pro impertiendis commendatitiis humillimè supplicavit, ipsas verò eò minus recusare voluimus, quod magis aliunde Ejusdem propensio ad exercenda Christianæ charitatis opera, & peculiare desideriis Nostris satisfaciendi studium innotuit. Proinde eandem hisce obnixè requirendam duximus, velit memoratum Patrem non solum omnibus benevolentiae signis prosequi; sed etiam pro securitate itineris necessariis Litteris Passus in Tartariam munire, atque ità dirigere, ut præfatum Redemptionis opus rectè, ac fructuosè peragere valeat. Quod Nobis novum promptitudinis & toti Republicæ Christianæ singularis Pietatis argumentum erit, gratiis Nostris Cæsareo-Regiis compensandum. Viennæ 11. Martii 1702.

Commentarius
Litteræ a con-
silio bellico &
interprete.

III. His Pater Epistolis præmuniens a consilio bellico parites commeatūs Litteras petiit, quas non solum promptè obtinuit, verum etiam ab eodem consilio Cæsareum linguæ Turcicæ interpretem consecutus est, in cuius societate, assumpto etiam in viæ sola-

solatium & ad occurrentia ministeria Fratre Joanne a S. Antonio, Germanici, Hungarici & Sclavonici idiomatis optimè gnaro, die decima octava Aprilis post solemnem de more valedictionem Vien-nâ discessit, & terrestri itinere in Hungariam contendit. Primam noctem Posonii inter nos-tros exegit, sequenti verò luce inde di-gressus Budam perrexit, ad quam etiam urbem vigesimâ quartâ ejusdem mensis feliciter pervenit, ibidemque Illustrissimum Do-minum Baronem Curtium, Cæsareum Administratorem, invi-sit, Consilii Bellici mandata exposuit, & Litteras Eminentissimi Car-dinalis a Kollonicz, Archi-Episcopi Strigoniensis, ad eundem scri-ptas, ipsius manibus consignavit. Exceptus est a Nobili Viro per-urbanè, qui Patri omne studium suum ad promovendum Redemptionis negotium obtulit, eidemque aliquot milites adjunxit, qui illum in periculoso itinere comitarentur, & adversus grassatorum insidias tuerentur. His itaque stipatus Pater Redemptor sequen-ti die post meridiem Danubium superavit, & per Hungariam ac Transilvaniam in Valachiam citato itinere profectus est.

IV. Primâ Junii Bukarestum Valachiae nimirum Metropo-lim delati, benignissimè excepti fuerunt adventitii de longinqua terra hospites. P. Redemptor ad Principis alloquium admissus, causam adventûs sui explicuit, & Epistolam Augustissimi Cæsa-ris porrexit, quam Princeps basiis honoravit, eamque fronti pri-mò admotam, deinde etiam vertici in argumentum summæ vene-rationis imposuit. Èa perlexta jussit Patrem benè sperare, polli-citus, se pro viribus operam daturum, ut ad scopum suæ expe-ditionis citò pertingere possit: monuit tamen, ut interim i hac urbe subsisteret, & pauculis diebus ab itineris laßitudine re-pira-ret, se verò curaturum, ne ei quidpiam deesset; quod etiam pro-lixè præstitit quotidianis alimentis ex aula sua liberaliter assignatis, quibus Pater se suosque sustentaret.

V. Ne autem Princeps longa comperendinatione Patris desi-deria differre velle videretur, actutum hujus negotii curam com-misit Excellentissimo Domino Constantino Cantacuzeno, viro in rebus gerendis perspicacissimo. Is postquam per dies aliquot saga-ci consideratione omnes loci, temporis, rerumque circumstan-tias sollicitè perpendisset, consultissimum tandem fore judicavit, si P. novis a Principe Valachiae Litteris provisus Tartariam ingre-deretur, Redemptionis autem facultates, ne illis casu, aut infortu-nio, vel cuiusdam insidiatoris fraudulentis artibüs inter populum barbarum spoliaretur, Bukaresti apud notum & indubitatae fidei mercatorem interim deponeret, indéque per intervalla tantum depromeret, quantum opus haberet pro expungendis debitibus & persolvendis captivorum lytris; ad quem finem obtinendum duos assignavit spectatæ honestatis viros, qui sub Commissariorum nuncupatione pecuniam Redemptionis suæ curæ subjectam habe-rent, & Patrem, quounque proficeretur, alternatim semper comitarentur, ac denique unus eorum toties Buckorestum remit-teretur, quoties Pater pecuniis opus haberet. Ne verò Pater ul-lo eventu fidis hominibus destitutus Tartarorum injuriis aut dolis

1702.

Discedit Po-
sonium.Budam per-
venit.Milites se-
curitatis eau-
sa adduntur.In Valachiam
pervenit.Principis allo-
quium citò
consequitur.
Honor Cæsa-
reis Litteris.
Ipse benè ha-
betur.Confiliu-
dirigendæ
Redemptio-
nis institui-
tur.

1702.

malè pateret, ei centurionem cum duobus militibus adjungendum putavit, qui illius custodiæ perpetim invigilarent. Quodsi verò res nova emerget, in qua opus esset consiliō, condicū fuit, ut P. Redemptor e vestigio nuncium aliquem ad aulam Principis Valachiæ expediret, qui responsum de re controversa ad eundem rursus perferret.

*Cenfiliū
non succedit
ob ingens ca-
ptivorum pre-
tium indica-
tum.*

VI. Hæc perquām sapienter constituta Pater lubens admisit, consulentis auctoritate permotus. Assumptis itaque ad primam necessitatem complanandam sex florenorum Rhenensium millibūs, reliquum in tuto apud designatum mercatorem depositus. Hoc fætō cum socio & interprete aliisque superiùs recensitis asseclis in viam se dedit, Budziakensem Tartariam, in qua multos Christianos captivos se repertorum speraverat, petiturus, quam etiam decima octava die mensis Junii ingressus est. Huc delatus statuit confessim Redemptionis negotio manum admoveare. Oppida proinde singillatim lustravit, & mancipia e Cæsareis ditionibus oriunda solicite pervestigavit. Verùm ut sunt lubrica, quæ prima fronte tutissima putantur consilia, post longam inquisitionem in tota hac provincia vix decem captivos indagare potuit, eösque tam enormi pretiō venum oblatos, ut tam iniqua licitatio prudentem quemvis facilè deterrere potuisset. Immodicam avaritiam aversatus P. Redemptor adduci haud potuit, ut pro decem captivis coēmendis, tot nummos profunderet, quos quinquaginta redimendis sufficere judicabat, veritus præcipue, ne Tartarorum postulatis consentiens hac sua facilitate futuris Redemptionibus grande præjudicium crearet. Captō propterea in arena consiliō, statuit aliò migrare, ubi plures esset reperturus captivos & pretio æquiore. Occurrebat menti primò altera Tartaria, videlicet Taurica Chersonesus, Crimea vulgariter dicta, verùm obstabant multa: regionis nimirum distantia, ad quam ante mensem se perveniturum desperabat, sumptus quoque in conducendis & alendis hominibus ingentes, metus præterea ab illius peninsulæ incolis, quos suorum antecessorum experientiâ edoctus noverat multò nequioris & trucioris esse ingenii, ut proinde non nisi tristes & nefastos eventus ominari sibi posset. Etsi verò pro CHRISTO & pauperum Christianorum captivorum salute nihil non pati discuperet, de finali tamen successu sollicitus verebatur, ne tota Redemptio in scopulum impingeret. Præterea si in Crimeam profici sci decrevisset, rursum alia emergebat dubietas, utrum videlicet in tanta circumstantiarum conversione novas consiliorum instructiones ab aula Principis Valachiæ, prout inter illos convenerat, opperiretur, an pecunias Redemptionis adferri sibi postularet? an has submitti potius in Crimeam conveniret? Prævidebat insuper incertarum opinionum varietates, sententiarum discrepantias, nunciorum in itu, redditūque tarditatem, quibūs rebūs consilia prorogarentur, tempus inutiliter tereretur, sibique interim ex ingrato otio multiplex tedium, fastidiūmque accerseretur.

VII. Rebūs ità in ambiguo hærentibūs Pater Redemptor cum adductis secum e Valachia itineris sociis consultare cœpit, quid po-

*Pater in Cri-
meam pro-
fici cogitat.*

Njas dubia,

potissimum in hoc rerum statu fieri oporteret. Iter in Crimeam ob plagas intra mare longius projectas, & crebra latronum per viam pericula dissuadent omnes, securitatis & commodiis deportandae pecuniae rationem præcipue habendam esse dicitantes: Valachis insuper cum Crimenisibus nullum intercedere genus commercii testantur. Ad hæc Pater subjecit, quod si verò Constantinopolim Redemptio dirigeretur, facilitiore aliqua methodus & securior occasio pecunias illuc transportandi sperari queat? Annuit Centurio, dixitque, Principi multò faciliorem methodum suppetere pecunias Constantinopolim, quam in Crimeam transmittendi. Præterea famam esse indubiam, ibidem præter nuper liberatos adhuc innumeros quasi captivos in servitute retineri. Quod licet a vero minimè abhoruerit, spectatis aliarum Nationum captivis, Cæsareorum tamen subditorum, ut eventus postea demonstravit, pauci omnino in ea urbe supererant, quod Centurionem illum latebat, qui, cum audivisset multos etiamnum Constantinopolis detineri captivos, nihil curiosius de eorum patria inquisivit, sed rem, prout eam acceperat, ad P. Redemptorem de tulit. Hic verò captō ex necessitate consilio Byzantium omnino adire decrevit, ita secum ratiocinatus: quandoquidem ante biennium pro captivis ad transtra damnatis, qui aliis pretiō ac aestimatione præferuntur, centum duntaxat Leoninos in singula capita persolvi, quamvis talis pretii mediocritas Cæsareæ Legationis Auctoritati potissimum in acceptis sit referenda, quia tamen alias quoque satis æquō pretiō comparavi, quid vetat sperare, ut in præsenti negotiatione similis mihi fors non rursus affulgeat? Hæc cogitavit, firmiterque decrevit Constantinopolim potius profici, quod eum spes & experientia vocabat, quam in Precopensem Tartariam concedendo parū aut nihil agere, ibidemque tempus, atque cum tempore sumptus inutiliter prodigere.

VIII. Verū enim verò in hoc se gravissime hallucinatum fuisse posteā cognovit, dum se bonus Pater nimio spiritū fervore abripi sivit, atque adeò longa pœnitudine præcipitis consilii sui errorem iuit. Sed quis possit futura omnia prospicere, & fortuitis casibus providè semper occurrere? Ast licet humanis mentibus istud non sit concessum, nimium tamen spiritū sui fervorem in hac occasione temperare potuisset; latebat siquidem ingens multitudo captivorum e Cæsareis Provinciis oriundorum in Tartaria Budziakensi; nec indicata pretii magnitudo præproprio huic discessui quidquam patrocinatur, cùm abundè constet, Tartaros pro suo solemani in assignando mancipiorum pretio ferè insanire, a quo tamen multū remittunt, si primus eorum impetus prudenti contemptu, utilique cunctatione retundatur; ea namque est captiose gentis arrogantia & calliditas, ut omnia sua in manus attollat, sensa animi sui astutè celet, miraque vafricie illud nolle se fingat, quod avaritiae cestrō percita maximè desiderat. Opus est itaque, ut lenta negotiatione eorum cupiditati frēnum injiciatur, & eorum avaritia majoris tenacitatis ostentatione repellatur; eum Cretensisbus enim cretizandum est, sic ars eluditur arte.

Nnnn

Fra-

1702.
Constanti-
nopolim iter
decernit pro-
pter sequen-
tes rationes.

Pater suū
consilio se de-
lūsum agne-
vit.

Mos Tarta-
rum in
commerciis,

1702. **Fraudi fortassis etiam bono Patri fuerit**, quod tam magnifico comitatu stipatus Tartariam intraverit, qui suspicionem maximorum opum excitavit, ut proinde Tartari ab ipso statim initio spem opulentissimæ nundinationis conceperint, a qua se dejectos nullò modò voluissent. Præterea hæc negotiatio mense Junii tentabatur, eo nimirum tempore, quod mancipia procul ruri degunt, & secando fœno, metendisque segetibus incumbunt, paucis eorum domi relictis ad familiaria ministeria obeunda: hinc fit, ut, cùm Tartari æstivo tempore servorum suorum operâ maximè indigeant, eos non nisi prægrandi & immodicò pretiò vendant, documentò Patribus Redemptoribus relictò, eo tempore inutiles esse de captivorum Redemptione tractatus, utpotè, qui ineunte hyeme optimè plerumque succedunt, quando Tartari, ne servilia corpora tribùs aut quatuor mensibùs minore lucro alere cogantur, haud difficulter moderato pretio acquiescunt. Non tamen prorsus inutilis fuit hæc Constantinopolim profectio, tum propter plura captanda Redemptionis experimenta, tum etiam ob singularem eventum, quod conjuges quidam, pridem a se invicem divulsi, hac autem occasione in diversis & longè distantibus provinciis coempti, mirabiliter sibi restituti fuerunt, de quibus posteà fusi loquemur, ac denique ob nonnullas personas apostasiæ labé infectas, Ecclesiæ postliminiò reconciliatas, Clemensissimò DEO exantatos Patris labores tam nobilis animarum lucrò compensante.

*Majoris pre-
pii cause.*

*In hyeme le-
vioris pretiis
sunt manci-
pia.*

*Utilis fuit
hæc Constan-
tinopolitana
profectio pro-
pter quædam.*

C A P U T III.

*Redemptio Constantinopoli pertentatur, ac tandem
in eadem Tartaria Budziakeri meliore successu
perficitur.*

*Redemptio-
nis pecunias
Constantino-
polim mitti
desiderat Pa-
ter.*

I. **D**esperato itaque Redemptionis successu in **Tartaria Budzakeri**, P. Redemptor Valachos suos stipatores ad Principem remisit, cui simul omnia prolixè prescripsit, quæcumque sibi haetenus inter Tartaros acciderant: addidit quoque, se nunc Byzantium profecturum ob redimendos captivos & numero majore, & pretio æquiore; ac præterea rogavit, ut reliqua pecunia fidorum ministrorum operâ eò transmitteretur, cauſatus dubiam maris fidem, per quam sibi integrum non esset, totum peculium naufrago huic elemento committere, præcipue, quod etiam meatus esset, ne si illud in navim secum assumeret, Turcicorum nautarum insidiis circumveniretur, & immanni aliquo flagitiō vitia simul & facultatibus spoliaretur.

*Constanti-
nopolim per
mare profici-
scitur.*

II. Hac mordaci curâ solitus Renum (Tamorava vulgariter nuncupatur) ad confluentem Istri & Pruth fluminum in Moldavia sitam urbem se contulit, ut opportunitatem aliquam Constantinopolim navigandi circumspiceret. Neque diu moratus ibidem navim huic proposito suo velificantem invenit, quam prima Iuli conscedit, eaque vectus septima die ejusdem mensis Byzantium appu-

appulit. Urbem ingressus de veteribus amicis salutandis solicitus eos impigre perquisivit, qui insperato desideratissimi hospitis adventu exhilarati illum officiosissime excepérunt. Curā deinde ad Redemptionem captivorum conversā sciscitatus est, num aliqui captivi ex Germanis Constantinopoli attinerentur? Responde-runt illi, vix unum alterūmve Germanum inter innumera propè hujus urbis aliarum Nationum mancipia reperiendum esse, cùm que Turcæ obfirmatō animo malint potius Germanum aliquem in servitute retinere, quām eum summō licet pretiō vendere, quod Germanos tanquam modestiores magisque morigeros, & ad labores promptiores cunctis aliarum Nationum mancipiis præferre soleant, hinc Patri vaticinabantur, eum in Redemptionis negotio Constantinopolī parūm effecturum. Et ita prorsus contigit, prout illi divinaverant; licet enim P. Redemptor totis tribus mensib⁹ in hac urbe moram fecerit, haud plures tamen, quām tres viros ac duas mulieres moderatō pretiō redimere potuit. Magno nihilominus Patri solatio fuit duodecim captivorum utriusque sexūs (qui, sive dominorum blanditiis emolliiti, sive miseriārū intolerantiā superati, Mahometanæ superstitioni nomen dederant) ad salvificam CHRISTI fidem reduc̄tio, quamvis ei hoc ausum non sinē magno capitī periculo steterit.

III. Cūm itaque res adeò in arcto versaretur, nec ulla spes affulgeret Constantinopoli Redemptionem perficiendi, nova Patri cupiditas successit in Crimeam transfretandi, & Redemptionis aleam in hac Tartariæ provincia tentandi; retardabatur tamen ab hoc proposito pecuniarum defectu, cuius supplementa a Principe Valachie petita impatientissimè expectabat; cūm autem & illis diu frustraretur, ad Principem ejusque Patrum Cantacuzenum & Jannackum Porphyretam (hic Adrianopolī Principis nomine, ejusque negotiorum curandorum causā Sultani curiam sequebatur) litteras dedit, quib⁹ significavit, sibi fixum prorsus & constitutum esse, in Tauricam Chersonesum transmittere, quod Constantinopolī non repertiantur captivi venales, unde rogavit Principem, ut Redemptionis pecunia, Bukaresti deposita, sibi quamprimum Constantinopolim transmitteretur. Respondit Princeps, id amodò minimè securum, nec consultum videri, ob infestas latronib⁹ vias. Dominus Cantacuzenus verò rescripsit, se Adriano-polī apud quemdam mercatorem effecturum, ut Pater necessariam pecuniā ab eo mutuò accipere possit. Porphyreta denique Principis Minister in sua Epistola Adrianopolī Patrem monuit, ut si pecunias in Turcica signatura recipere velit, auctūm id sibi renunciet. Pater, cui pecunia hujus signaturæ in desiderio erat, confessim rescripsit, hoc genus monetæ sibi fore gratissimum, rogavitque, ut ea quantocyūs ad se mitteretur. Verūm nec ad has, nec ad alias identidem repetitas epistolas responsum tulit, tantum abest, ut vel obolum a postulata pecunia receperit. Inclinante jam Augusto, cūm Pater mordaciorib⁹ identidem urgeretur curis & abeundi desideriō, ob adultam jam æstatem flagraret, coepit

1702.
Ibidem Re-demptionis difficultas.

xx. Apostata ad Ecclesiam reduc̄tio.

In Crimea abire cogitat.

E Valachia mittendas pecunias præstolatur.

Ad litteras responseres.

1702.

alia ex aliis circumspicere remedia, ut in angustiis solet animus, quibus Redemptionis negotium in ipso temporis limine expedit.

Negotium
urgetur per
Hollandum
mercatorum.

IV. Inter hæc Negotiator agebat Constantinopolī, gente Hollandus. Is fide commerciorum magnis florebat opibūs & non minis probitate: P. Redemptor scribendis invanūm epistolis & expectatione fatigatus eundem adivit, declaratōque suæ personæ charactere, & apertā causā, cujus gratiā Constantinopolim venerat, illi simul exposuit, Redemptionis pecunias apud Valachia Principem securitatis intuitu depositas nunc Adrianopolī solicitari. Ut dictis fidem adstrueret, Principis, aliorūmque litteras deprompsit, ostenditque totius rei cardinem apud Porphyretam, ejusdem Principis Ministrum, versari, qui licet suis litteris pecuniam in Turcica moneta se submissurum promptè sponderit, illud tamen haētenus minimè præstiterit; fors quia mercatorem Adrianopolī reperire difficultè sit, qui summam non modicam commodatō exhibere velit, aut possit. Hollandus, ut neque in verbis, neque in litteris, neque in ipsius Patris persona aliquid doli subesse vidit, se pecunias cuiusvis monetæ, quantas cunque Pater efflagitaret, suppeditaturum promisit, conficeret tantum interea collybisticas litteras, earum verò executionem suæ curæ relinqueret, pollicitus intra decem dies responsum Adrianopolī affuturum. Probavit Pater datum consilium; missisque litteris ad sēpè dictum Ministruum Principis Valachia sex millia Leoninorum tantum postulavit, quos alteri pecuniae, quam etiamnum penes se habebat, conjunctos sufficiuros arbitrabatur ad Redemptionem in Crimea expediendam. Has litteras Hollandus mercator suis inclusit ad eundem Porphyretam exaratis.

Ad iter in
Crimeam dis-
ponit omnia,
& fratrem so-
cium cum
aliquo redem-
ptoris in
Budziakensem
Tartariam mittit.

Prævidet pe-
nicula in Cri-
mea.

*Genes. s. 31.
v. 1.*

Desiderid
suō ex offen-
sione Ministri
fraudatur.

V. Spe adeò blanda erectus P. Redemptor, firmius jam decrevit in Crimensem Tartariam proficiisci; quod, ut melius succederet, Fratrem socium cum aliquot Redemptis captivis tanquam inchoatæ Redemptionis testibus Renum ablegavit, ut reliquam pecuniam in eliberandis captivis meliore, quô posset, modo expenderet. Hac occasione rursus ad Principem Valachia scripsit, ut fratri socio pecunias, quascunque postulaturus esset, Renum transmittere non gravaretur. Evidem bonus Pater prolixè videbat, quanto se periculo immergeret, si in Crimeam transmitteret, ardentissimō tamen Christianis captivis opitulandi zelō exēstuans propriæ vitæ discrimina sūsque déque habuit, quatenus miseris illis opportunum solatium & auxilium adferret. Duo erant, quæ jure metuere poterat, aut facultatum nimirum, aut vitæ prorsus jaētaram: ille autem de Divina protectione confisus intrepidō animō neutrum exhorruit, cum Jacobo Patriarcha ita secum ratiocinatus, si perierit pars una, salvabitur altera. Verū & hoc quoque propositum suo ad extremum caruit successu.

VI. Dimissō in hunc modum sociō cum captivis litteræ a Porphyreta, Adrianopolī datæ, pervenerunt ad Patrem multis commoti animi expressionibūs conspersæ, in quibus non sinè stomacho de hac interpellatione conquestus est, asserens hanc versuræ nego-

negotiationem in sui nominis dedecus cedere. Cæterum de petita pecunia altum in illis litteris erat silentium, tanquam hujus rei nulla unquam facta fuisset mentio. Lævum responsum! quod Patris animum non modicè perculit, tum, quod virum optimum nullatenus lacestum voluisset: tum etiam, quod promissæ pecuniae spem videret prorsus nullam, imò nec mentionem fieri. Unde autem hoc promeritus fuisset, non dispiciebat, ut potè qui probè meminerat, se nihil aliud scripsisse, nisi quod justum, modestum & religiosum erat, idque cum summa honoris observantia tanto viro debita, cui gratum futurum crediderat, quod hac compendiosâ viâ ejus commoditati studuisse. Quid verò Hollandus litteris suis offensione dignum inseruerit, non inquisivit, velut nul-lâ suâ culpâ patratum. In diversas itaque suspiciones distractus Pater, cum vadum nullum in causa adeò perplexa reperiret, cui se tutò crederet, ad extremum putavit, hoc purum putumque commentum esse, quô ipse insigniter ludificaretur. Quapropter acriùs præter morem in epistolis ad Principem Valachiae datis de hac frustratione conquestus est, noxiásque moras deploravit, quæ identidem Redemptionis negotio injicerentur: Princeps autem, cum ex hisce litteris Patris mentem haud obscurè intelligeret, ei celeri responsō significavit, omnem Redemptionis pecuniam Bukaresti in tuto consistere, mitti nunc Renum ad Fratrem socium partem unam juxta Patris dispositionem, in alium verò locum nihil transferri posse, nisi manifesto jacturæ periculo rem ipse velit ob-jicere; vias latronibûs esse infessas, viatores infestari, & quotidiè cædes audiri. His auditis æstus & angor Patris penitus subsedit, cum intellexisset, Redemptionis facultates salvas & integras asservari, damnavitque in seipso erga insontem Porphyretam ludificationis suspicionem.

VII. Rebûs ità pendentibûs in Crimeam intervertitur pro-fectio; famâ námque passim vulgabatur non dubiâ, ibi omnia ad arma spectare, quod Crimenses Tartari Turcarum tyrannidem execrati a fide Sultani defecissent, atque adeò promiscuîs cædibûs in insontes æquè, ac fontes grassarentur, nulla cujuscunque conditionis, aut publicæ fidei habita ratione. Unde P. Redemptor, ne temerè hiantibus se indueret periculis, consilium eas terras adeundi prorsus depositus, & jam non culpæ hominum, sed suavis-simæ Numinis providentiæ tribuit remoram illam Constantinopolî sibi injectam, quâ a maximo damno suique pernicie præservatus fuerat; certum enim habebat, si postulatam illam pecuniam præstituto tempore obtinuisset, universam sceleratis raptorum ma-nibus in prædam cessuram fuisse.

VIII. Igitur mutatò consiliô fratrem socium in Budziakensi Tartaria jam agentem quantocyùs subsequi statuit, atque hoc suum propositum Principi per litteras insinuavit, eumque rogavit, ut dicto fratri pecunias transmitteret, quantis opus haberet, & petere, addiditque se propediem Reni affuturum. Die secunda Octobris parata navis in portu stetit primo afflatu in Moldaviam velifica-tura, quam pactò naulô ingressus Pater, quatuor etiam captivos

1702.

Propter of-fendiculum ex litteris.

Aliæ suspi-ciones.

Ad Princi-pem scribit, &c aptè respon-detus.

Profectio in Crimeam im-pedita.

Budziacken-sim Tartariam petit.

1702. sub Turcicarum vestium schemate latentes, puerūmque novennem, haetenus sollicitè occultatum, clam secum introduxit, quasi ob privata sua negotia essent in Moldaviam profecturi. Egressi Constantinopolim totis omnino tredecim diebus navis stetit in an-

Patris metus

*Favorabilis
ventus oritur.*

*Reni fratrem
socium con-
venit.*

*Inde Patris
solarium a-
liud.*

*Redemptos
Pater secum
ducit in Vala-
chiam.*

*Periculum
incident Pater
Galazii.*

*Quidam in
telonio de su-
cepta Maho-
metis secta
convincitur,
quod ille fat-
tur.*

*Munusculò
placatur telo-
nii praefectus.*

choris, cui Aquilo violentis flatibus sese opponens procedendi facultatem negaverat, quo tempore Pater in urbis conspectu, unde sibi paratam proditionem imaginabatur, constitutus vœgrandibus torquebatur angoribus, ne captivi, puérque ille novennis manifestarentur, ipse verò plagii criminis reus ageretur. Sed hoc DEUS quoque ab ejus capite discrimin avertit. Decima quinta die ejusdem mensis Octobris surgente a meridie in navis favorem Austro prospera velificatione crispantes Euxini Ponti undas intra triduum feliciter persulcârunt, Itrique fauces ingressi, post alterum triduum adverso flumine Renum feliciter appulerunt. Navim egressus Pater ex composito, captivis interim, quasi nihil ad se pertinerent, aliâ viâ ad civitatem procedentibus, fratrem socium convenit, intellectusque magnô animi sui solatiô, Tartaros, visis redemptis Christianis Constantinopoli adductis, quotidie plures adventare, suâque mancipia venum offerre, ac de aliquibus jam esse confectos tractatus, aliorum verò Redemptionem nunc sub incude hærere; rem autem fore opinione faciliorē, quod sequenti die in ædibus cuiusdam renegati quadraginta captivi ex Austria ut plurimum, Hungariâque prognati conveniunt, sibi dari ex illis optionem seligendi quoscunq; maluissent: insuper retulit, plurima alibi nunc venalia prostare mancipia & quidem pretiô sat moderatô. Lætus de hoc nuncio P. Redemptor prosequi jussit emptionis tractatus, ejusque dexteritatem ac fidem collaudavit: ipse autem cum captivis jam exsolutis in Valachiam tetendit eosdem ulterius procuratus, & reliquam in subsidium Redemptionis pecuniam allatus.

IX. Galazium Moldaviæ civitatem ut cum redemptis pertransiit, ad telonium cum hominibus gradum fistere jussus pro singulis capitibus Leoninum unum pendere adigitur. Turca ibidem Telonii præfectus, dum sagaciùs singulos captivorum perlustrat, unum deprehendit notum, Mahometicæ sectæ olim nomen dedisse; hunc diris omnibus cum acerba objurgatione devovit, & confessim vincula expedivit ad retinendum transfugam, vel aliò vendendum: Captivus ille albæ mentis stupidæque simplicitatis homo datæ sibi instructionis immemor, nimio terrore perculsus, sive facti conscientiâ pressus, id fatetur cum ingenua tamen protestatione, se vi ad hoc crimen adactum fuisse, semper vivisse, morisque velle in lege CHRISTI. Poterat ipse tunc integra fide, donec ab alio accerseretur Judice, prout monitus erat, telonii præfecto respondere, licitum sibi esse in Moldaviam exercendæ mercaturæ gratiâ proficisci. Sed cum ille tanto candore rei veritatem aperiret, multæ subortæ sunt altercationes, quas inter, quia tempus sine fructu labebatur, Pater oblatô munusculo, telonii Præfectum placare tentavit, qui avaritiæ sordibus affuetus, sex Leoninos si penderet, liberum abire posse pronunciavit;

quibus

quibūs illicò persolutis tota lis dirempta fuit. Ab hinc finè 1702. alia remora Foxiamum, Principis Valachiæ civitatem, iter sunt prosecuti.

X. Sexta dies erat Novembris, quando P. Redemptor, ut temporis compendium faceret, Foxiamō celerem nuncium ad eundem Principem Bukarestum cum litteris expedivit, qui residuas inde deposceret, sibique adferret pecunias: ipse verò in eadem civitate absque ullo periculorum metu substittit, quatenus contractam ab itinere lassitudinem quiete temperaret, virésque instauraret. Post octiduum reversus nuncius totam pecuniam fideliter attulit, quo etiam die a fratre socio missus alter adfuit nuncius cum triginta Christianis in Tartaria redemptis: hac usus Pater occasione eidem nuncio redeunti pecuniam tradidit fratri socio deferendam; ac deinde iter ingressus, captivos (jam magnō numerō redemptos) ad Transilvaniæ confinia perduxit, ibique litteras dedit ad regionis Præfectos, orans, ut captivorum redemptorum curam interim benignè susciperent, donec ipse paullò post esset superventurus. Atque hac ratione illos Stephano-polim sive coronam (quæ est nobile Transilvaniæ Præsidium, ubi sistere jussi & aliquot ad itineris commoditatem concessis e-quis adjuti fuerunt) sub perito ductore præmisit. Hinc e vestigio Pater Bukarestum se contulit, ut Principi ejusque Patruo Cantacuzeno præcipuis hujus Redemptionis fautoribus pro sedula cura, huic negotio impensa, collatisque uberrimis beneficiis gratias rependeret, quas posset maximas; quod, cùm præstisset iis verborum formulis, quas gratus, devotusque animus parturire consuevit, Princeps eum peramanter complexum reciprocis officiis est prosecutus, suumque studium testatus, quò ejus necessitatibus se nunquam defuturum promisit. Litteras etiam, quibus Augustissimo LEOPOLDO Imperatori respondit, Patri tradidit Suæ Majestati deferendas. Atque his ita transactis Pater confessim redemptos suos in Transilvaniam est subsecutus, ut illis fortè aliqua re laborantibus ope sua præsto adesset. Coronam delatus omnes incolumes, & inter militarem beneficentiam benè nutritos invenit. Mandata quoque jam illuc pervenerant ab Excellentissimo D. Ludovico comite Rabutino supremo totius Transilvaniæ in militaribus præfecto, quibūs jubebatur Cibinium progredi, quò cùm pervenisset, omnibūs urbanitatis indicis ab eodem comite, cum quo Patri vetus necessitudo jam pridem intercesserat, exceptus fuit; tota namque stirps nobilissima Ordini nostro admodum devota favores cumulare, & officiosa nostris impendere studia nunquam desit. In hac urbe P. Redemptor ad preces ejusdem Comitis Rabutini beneficentia.

XI. Tandem post quinque dies elapsos adfuit quoque frater socius cum reliqua redemptorum turba, quinta nimirum & vigesima die mensis Decembris, CHRISTI Redemptoris Natalitio Festo consecrata. Hic itaque in Domino congregati substitere in-

Pater ad Principem nuncium mittit, qui depositas pecunias refert.

30. redemptos mittit frater per nuncium, & per eundem plures remittuntur pecuniae.

Mittuntur redempti in Transilvaniā.

Principi Pater pro beneficiis gratias agit.

Litteras ad Imperatorem responsorias defert.

P. redemptos sequitur in Transilvaniā.

Comitis Rabutini beneficentia.

Frater sequitur.

1702.

Mulier Con-
stantinopolis
redempta ma-
ritum reperi-
ta in Tartaria re-
dempta.

genti omnium congratulatione, quam geminatis lœtitiis plurimè auxit fortuitus casus, planè memorabilis, quem quidem superiore capite strictim attigimus, nunc verò tanquam in loco suo proprio referre decrevimus. Redemerat Pater Constantinopolis mulierem olim quidem nuptam, sed a viginti jam annis a mariti sui confortio avulsam; barbaræ siquidem illæ gentes nullam matrimonii Sanctitati reverentiam deferunt. Opportunè autem contigit, ut frater socius nihil minus cogitans apud Tartaros fortuito casu, aut certè Divini Numinis Providentiâ virum, ejusdem maritum, redimeret, eumque cum cæteris Cibinium perduceret. Ergo dum redempti in unum congregati Sanctissimam TRINITATEM collaudant, sibi que inter tenerrima cordis jubila recuperata libertate congratulantur, vident maritus ille suam uxorem, vident & uxor illa suum maritum. Hærent ambo ad noti vultus similitudinem; ambigit tamen imprimis uterque, quod ætas & dura servitus nonnullas in vultu abstergeret lineas. Colloquuntur: Vox magis nota firmiorem reddit opinionem; haud tamen adhuc certi, querunt mutuò de nomine, patria & domo. Ex ultrò citróque dictis omne dubium evanuit, & manifestum evasit, illos revera legitimos esse conjuges, præcipue cum sibi invicem referrent, quæ nemini nisi ipsis solis cognita esse poterant. Mirificus hic eventus omnes incredibili affecti gaudiò; quibus vetus propemodùm renovari videbatur Divorum Eustachii & Theopistæ conjugum historia. Verùm id non infrequens; Viennam enim reduces quidam occurrere uxoribus suis secunda vice alteri viro nuptis, fœminæ maritos suos cum aliis reperire conjunctos mulieribus, qui deinde discussâ in Ecclesiastico foro causâ ab invi- sem sejuncti, & legitimis consortibus restituti fuerunt. Filii filiæque suos agnovere parentes postliminiò reversos, unde Redemptionis beneficium magis suspici & aestimari cœpit.

Frequentior
hic casus me-
moratur.

C A P U T IV.

Alia quedam hujus anni memorabilia colligit.

P. Maurus
ex Hispania
Viennam re-
vertitur.

I. **P**rimo Vere post diuturnam absentiam P. Maurus a Concepcionie Viennam revisit, postquam in Catalonia nostri conventus Barcinonensis Præfecturam aliquamdiu administrasset: qui licet in Americam destinatus fuisset, ut Comiti Erilio electo Pro-Regi Peruano in sacris ministeriis deserviret; hanc tamen ejus profecionem præmaturus obitus CAROLI II. Catholici Regis interceptit, exauktoratis, ut plerumque usuvenit, morte Principum, aut Regnorum mutatione Ministris. Cum autem in Hispania in tanta rerum conversione ad turbationem spectare videbentur universa, ille ne patriæ clades & fumantia busta otiosus inspicere cogeretur, in Germaniam ad coenobium Viennense redivit, ut ibidem cooptam Ordinis propagationem pro viribus fulciret, & in operiorum paucitate opportunum aliquod subsidium adferret.

II. P. Martinus ab Ascensione, qui interea Commissarii Generalis simul & Ministri Viennensis munus sustinuerat, jactis fundamentis Viennæ pro residua Ecclesiæ parte construenda opus impigrè urgebat; ne tamen materiali fabricæ intentus spiritualem omitteret ædificationem, substituto Viennæ in sui locum Vicario Præside, qui illius conventūs interim curam gereret, ipse in Hungariam migravit Illaviæ & Posonii cœnobia regularis observantiae discussione lustraturus.

III. Nonis Maji Viennæ ante peristilium Ecclesiæ nostræ in honorem Sanctissimæ TRINITATIS lapidea mole jam stabat ereta columnæ, quæ eadem die, hoc est, Dominicâ tertîâ post Pascha dedicata, & ritu solemni benedicta fuit. Huic columnæ occasionem dedit D. Franciscus Lang, qui supremis testamenti tabulis pecuniam quandam legavit ad columnam in honorem Sanctissimæ TRINITATIS coram aliqua Ecclesia erigendam. Illô defunctô cùm hæredes voluntatibus invicem dissiderent, neque satis inter se de loco convenienter, tandem Theologorum consilio usi eandem columnam ad nostram Viennensem Ecclesiam collcare decreverunt, quemadmodum etiam factum fuit. Successivis postea temporibüs ex piorum beneficentia accesserunt aliarum devotarum statuarum ornamenta, videlicet Immaculatæ Virginis MARIAE DEIPARÆ Conceptionis, S. Rosaliæ Virginis Panormitanæ, Sanctorum Sebastiani Martyris & Rochi Confessoris, Sanctorum quoque Patrum Nostrorum JOANNIS & FELICIS Confessorum & Ordinis Nostri Fundatorum cum columnata lorica & basi. Ardentes nunc utrinque coram hac columna per sabbatinas noctes geminæ lampades privata quorundam pietate lucent.

IV. Cæterum inopinatus quidam casus locum dedit secundissimo omni: exeunte Junio mense, cùm cæmentarii, qui in structura nostræ Viennensis Ecclesiæ operabantur, solitâ matutinæ cessationis horâ ad panem manducandum consedissent, examen apum genitali relictô alveariô per aëra circumvolavit, & tandem nostræ Ecclesiæ fabricæ versus Meridiem adhæsit ad facellum Sanctæ Crucis, quasi ibidem mellificare destinâisset, ubi sub idem tempus in picta facelli tabula colebatur non vulgaris artis CHRISTI cruci affixi simulacrum, quod nunc Constantinopolim ad nostros translatum alteri cuidam ejusdem crucifixi Domini Nostri imagini, multis gratiarum favoribüs claræ, locum fecit, de qua in sequentibus prolixius agetur. Aderat tunc opportunè nostros inter operarios nonnemo, qui apiarium callebat; ejus dexteritate cum Regulo examen apum in alveare receptum deinde in viridario nostro mellificavit. Eventus iste fortuitus ab omnibus in bonum omen acceptus fuit. Evidem examen apum, quod in leonis a Samsone occisi fauibus mellificasse reperitur, captiosi problematici & gravium olim dissidiorum extitit causa, ut sacra recenset Historia Judicum 14. In præsenti autem materia Leo de Tribu Juda, qui vicit occisus, ipse CHRISTUS crucifixus est: Apes verò, ut cum Pierio Valeriano libro 26. Hieroglyphicorum capitulo 13. loquar: in ejus fauibus mellificantes prospera & suavia, que

Pppp

subse-

1702.
Vienna Ec-
clesie fabrica
continuatur.

Cœnobia in
Hungaria visi-
tantur.

Columna SSS.
TRINITA-
TIS Viennæ
autem Ecclesiam
nostram erige-
tur.

Ejus occasio-

Aliæ SS. sta-
tue,

Examen a-
pum N. Vien-
neni Ecclesias
adhæres.

Bonum o-
men.

Judicum 14.

Pier. Valer.

1702. *subsequuntur, indicant.* Id POST SEX annos experti sumus, quo tempore Sanctissima illa CHRISTI Crucifixi effigies in eodem scelio, cui apes adhæsere, mira gratiarum beneficia devotis clementibus impertiri cœpit.

P.Maurus ad
Indianam ex-
peditionem a
Cæsare seligi-
tatur.

V. Eodem anno cum P. Maurus a Conceptione iterato, ut jam præmisimus, præter omnium opinionem Viennam pervenisset, veteres amici ejus certatim ad volârunt ad illum salutandum: ipsi quoque Austriaci Proceres, quibus etiam prius semper charus fuit, & acceptus eundem complectebantur singularibus renovati affectus indiciis: nec multò post ad ipsius Augustissimi LEOPOLDI Imperatoris alloquium vocatus arcana quædam mandata perficienda suscepit; tanta namque fuerat Imperatoris fiducia de hujus viri prudentia, & exquisita in rebus agendis dexteritate. Tractabatur nimirum eo tempore, ut res ferebat, in sanctiore consilio de Indianum Occidentalium recuperatione, pro qua evincenda stabant in anchoris ad Magnæ Britanniæ litora confederata Anglorum & Batavorum Classis, quæ præter triginta sex naves bellicas majoris formæ, trecentas minores numerabat, & duodecim armorum millia huic expeditioni destinata vehebat. Sacra Cæsarea Majestas pro illa, quam de P. Mauro conceperat, fiducia eundem motu proprio & nemine quidem concio, pro suis agendis prius Commissarium, & ut vocant, Plenipotentiarium in illa expeditione constituit, licet Pater modis omnibus reluctaretur, nec nisi rigidissimô Superiorum præcepto compulsus Cæsari obtemperaverit. Ut autem majori auctoritate negotio sibi commisso incumberet, Cæsarei Theologi & Consiliarii munere condecoratus fuit, quod rei necessitas hoc poscere videretur, potestate insuper ei facta, ut duos e statu Politico pro arbitratu suo eligeret, quorum operâ & consiliis in quibusvis difficultatibus adjuvaretur. Sexta & vigesima die mensis Augusti Imperator Augustales sive publicæ fidei litteras expedivit, in quibus P. Maurus appellatur Suæ Majestatis Theologus & Consiliarius, Cæsaris nomine & Archiducis CAROLI de Austria designatus & constitutus, ut cum adjunctis sibi sociis Regna & Provincias Americæ, quæ defuncto Regi Catholico CAROLO II. paruerant, ad Domus Austriacæ fidem & obedientiam reduceret. In eodem Diplomate Sua Majestas, ob devotionem, quam erga Sanctissimam TRINITATEM, & ejus Clientes Patres Trinitarios Discalceatos se gerere profitebatur, dedit & concessit supradicto P. Mauro plenam facultatem in Indiis Occidentalibus instituendi per se, aut per Procuratores suos & suæ Religionis quæcumque poterit cœnobia ejusdem Ordinis, ubicunque Benefactoris aut Fundatoris opportunitatem repererit. Mandavit itidem Pro-Regibus, Archi-Episcopis, Episcopis, Gubernatoribus, & dictorum Regnorum, Insularumque Supremis Tribunalibus, ne ulla tenus impedimentum quodvis ei objiciant, quinimò omnem favorem præstent & auxilium; quod ita conveniat ad DEI obsequium, augmentum Ecclesiæ & redimendorum captivorum utilitatem, cui Alumni hujus Ordinis peculiari zelô student. Testatus est præterea Piissimus Imperator,

Plenipoten-
tiarius, Theo-
logus & Con-
siliarius Cæsa-
ris creature.

Litteræ po-
testatis expe-
dintur.

Alia ejusdem
Privilegia.

Ordo lauda-
tur.

fibi

sibi e crebrioribus experientiis perspectissimam esse devotionem, exemplarem vitam & doctrinam, qua hi Religiosi animas ad cœlum dirigunt: seriam itaque suam esse voluntatem, ut in illis quoque Regnis & Provinciis sine dilatione plantetur dictus Ordo, non obstantibus quibuscumque prohibitionibus Supremi Indiarum Senatus. Has Litteras Sua Cæsarea Majestas Nominis Sui subscriptio & Augustissimæ Domûs Sigillô appressô roboravit, ut in ipso autographo, quod ad manum est, videre licet.

1702.

VI. Cùm vero P. Maurus ex concessione P. Martini ab Ascensione Commissarii Generalis licentiam obtinuerit Religiosum aliquem e nostris pro socio eligendi, qui eum in tam laborioso itinere comitaretur, P. Isidorum a Visitacione Austriacum Viennensem assumpsit, cui pariter in virtute sanctæ obedientiæ & sub præcepto formalí strictissimè injunctum fuit, ut eundem P. Mau- rum affectaretur, ejusque dispositionibus subjaceat ad Sacræ Cæsareæ Majestatis mandatorum executionem, quamdiu ad ejusdem Majestatis servitium opus fuerit. Datîs octavâ mensis Septembbris ejusdem anni manu propria & Secretarii subscriptis, sigillóque Ordinis consuetô & officii roboratis.

Ex ordine
socium assu-
mendi potes-
tas ei con-
fertur.

VII. Die duodecima ejusdem mensis Septembbris Viennâ in Angliam auspicati sunt iter: cùm autem Octobris decimâ Londonum Regiam Britanorum attigissent, præter spem consilia cuncta eversa repererunt, quòd expeditionis systema, a Britannis Batavisque delineatum, spectatis nonnullis clausulis in grave cederet Catholicæ Religionis præjudicium, cui Augustissimus Imperator assentiri noluit, qua de causa tota illa ad Indos evanuit navigatio. Rebûs itâ mutatis P. Maurus alia ab Augustissimo Imperatore accepit mandata, ut videlicet Principi Georgio Hasso-Darmstadiensi designato Suæ Majestatis Plenipotentiario pro recuperatione Regnum Hispaniæ se adjungeret, donec Serenissimus Archi-Dux CAROLUS declaratus fuisset Rex Catholicus, ejus Nominis Tertius, quem deinde in Britanniam appulsum comitaretur in Hispaniam, quod & factum fuit, cùm P. Maurus Regio ejus lateri deinceps semper adhæserit, utriusque fortunæ particeps.

Eadem expre-
ditio impedi-
tur.

Causa

Alia mandata
Cæsaris.

C A P U T V.

E nostræ Ecclesiæ Viennensis suggestu sermones ad populum singulîs diebûs Dominicis & Festivis deinceps babentur. Septima Redemptio ibidem excipitur. In solarium capti- vorum a Sede Apostolica ad nostros conventus extenduntur, & confirmantur quædam privilegia.

1703.

I. **S**equitur nunc annus a Natali DEI hominis Tertius supra millesimum septingentesimum, rerum eventu non minùs varius, quam memorabilis. Hactenus ex ambone nostræ Ecclesiæ Viennensis non adeò frequentes conciones auditæ fuerant, nisi in Dominicis Adventus & Quadragesimæ, ac solemnioribus per annum

Conciona-
tio-
nes pro Domini-
nicis & Festi-
vis diebus Vi-
ennæ institu-
untur.

P p p 2

Festivi-

1703. Festivitatibus: nunc autem ab hujus anni principio constituti sunt concionatores, qui singulis Dominicis & Festis diebus verba e superiore loco ad populum facerent, e quibus P. Ignatius a S. Michaële omnium primus CHRISTI Evangelium in Dominicis diebus explanavit: Festivos autem sermones de Mysteriis Domini Nostri JESU CHRISTI & solemnitatibus Sanctorum per totius anni circulum occurrentium in se suscepit P. Stephanus a Resurrectione: uterque vero imposito sibi munere egregie perfunctus est, ac eō, quō flagrabant lucrandarum animarum zelō, DEI verbum e suggestu frequenti populo annunciarerunt, singulos officii sui commonefecerunt, vitia eradicaverunt, & virtutes Christiano homine dignas implantaverunt, id quod per eorum successores nunquam interrupta serie in hanc usque diem continuatur.

Redemptio
ex Transilva-
nia per Illa-
viam & Poso-
niun Vieñam
advenit.

II. Restat, ut adhuc quædam de septima Redemptione, cuius acta superius pleniū exposuimus, in medium adhuc profaramus, & paucis saltem explicemus, qualem illa sortita sit finem suo in urbem adventu, receptuque: P. Redemptor Transilvaniā egressus iter suum direxerat per superiorem Hungariam, multis quidem ob hyemis rigorem incommodis, frequentioribus que remoris, quas ei inexorabilis subsidiorum necessitas ingesserat, fatigatus. Quarta & vigesima die Januarii Leutschoviam tenuerat, nobilem civitatem Hungariæ, amoenissimo loci situ conspicuam & incolis refertissimam. Inde rectâ viâ Illaviam contendit; ubi etiam a nostris, cum cruce & labaris ei obviā procedentibus, ritu solemni exceptus fuit. Secunda jam vice Illaviæ conspecta Redemptio indigenarum animos magis confirmavit, aestimationēque Ordinis nostri adauxit. Viam deinde ulterius legentes ad Posoniense cœnobium nostrum diverterunt, indēque digressi demum quinta & vigesima die mensis Februarii antemeridiano tempore pomœria urbis Viennensis attigerunt, suūmque adventum nostri cœnobii Patribus nunciārunt. Dies erat Dominicus, quō post vulgatam allapsæ redēptionis famam ingens populi multitudo a ceteris tunc laboribus feriata, & spectaculi raritate excita properè confluxit, omnésque plateas, per quas transitura erat Processio, densè occupavit. Ipse quoque Eminensissimus Cardinalis Kolloniczius, ut hanc religiosam pompam suā præsentia ornaret, extra portam Carinthiacam, magnâ Nobilium coronâ stipatus, ei obviā processit. Post meridiem horā secundā per eandem Carinthiacam plateam tubis, tympanisque intersonantibus longo, decentique ordine devotis intenti compreicationibus processerunt ad Herbarium forum, indē ad Archi-Ducale palatium delati Cæsaris iussu paululūm substiterunt, quatenus Augustis Majestatibus copia fieret exactius contemplandi præsentis pietatis spectaculum. Hinc rursus discedentes Dominorum plateam perambulārunt, & portam, quæ a Scotis nomen habet, egressi circa solis occasum ad nostram Ecclesiam pervenerunt, ubi ad maximam confluentis populi multitudinem e suggestu dixit P. Ignatius a S. Michaële, ceteraque pro ritu preces sunt peractæ.

Processionem
ornat Emi-
nenissimus
Cardinalis
Kolloniczius.

Canticum.

Demum

Demum Eminentissimus Cardinalis nummos non contemnendō numerō inter pauperes redemptos liberali manu dispersit, ne egestas eis recuperatam libertatem gravem redderet. Deinde redemptis omnibus cœna parata fuit, viri in cœnobio, mulieres verò in extera domo, ad hunc usum conducta, appositis epulis accubuerunt. Hinc omnes per varias vicinorum ædes distributi aliquot diebus piorum hospitalitate potiti sunt. Sequenti luce Serenissima D. WILHELMINA AMALIA Romanorum Regina centum quinquaginta Florenos submisit in eleemosynam inter eosdem redemptos viatici locò distribuendos : Austriacæ profectò beneficentiæ monumentum ! quod æquè ingenti cum fervore imitati sunt complures illustres viri, fœminæque.

III. Redempti fuere hac occasione quinque & octoginta utriusque sexūs homines, inter quos duo & quinquaginta censabantur, qui genus ad Austriae referebant, reliqui tres & triginta e diversis erant oriundi Nationibus, & plerique in ultima urbis Viennensis obsidione in captivitatem abducti annis fere viginti miserabilem toleravere servitutem.

IV. Cæterùm in hac expeditione P. Redemptor nonnullis angebatur animi scrupulis ; præsertim circa ea, quæ suam captivorumque tangebant teneram conscientiam : noverat equidem Redemptionem a Sede Apostolica singularibus ornatam fuisse Priviliis ac Indultis, cùm verò hæc illis duntaxat Redemptoribus concessa sciret, qui in Africam Redemptionis captivorum gratiâ trajiciunt, dubium oriebatur, utrum nos quoque iisdem uti, potiri, & frui valeamus, qui ad Turcas Europæos & subinde Asiaticos Redemptionis causâ proficisci mus ? Quamvis autem Doctores omnes communibus suffragiis propugnant, favores esse ampliandos, & odiosa Decreta restringenda, ne tamen aliquid temere sibi arrogare videretur, statuit Sedem Apostolicam circa hoc dubium consulere. Supremo itaque Ecclesiæ Capiti supplicavit, ut Privilegia quædam Ordini nostro alias communia ad Orientales ac Septentrionales Regiones, in quibus eadem necessitatis ratio militat, extendere dignaretur, quatenus hōc pactō sibi, suisque Successoribus benignè, ac salubriter provideretur. Res in controversiam ducta, ut quibusdam offendiculis occurreretur, parcius, quam optabatur, processit ; veteribus siquidem denuò discussis Pontificum Bullis sequens emanavit Declaratio :

CLEMENS PAPA XI.

Ad futuram rei memoriam.

Alias felicis recordationis Urbano Papæ VIII, Prædecessori Nostro pro parte tunc existentis Procuratoris Generalis Fratrum Discalceatorum nuncupatorum Ordinis Sanctissimæ TRINITATIS Redemptionis captivorum Congregationis Hispaniarum exposito, quod Congregatio prædicta juxta laudabile ipsius Institutum ejus Religiosos in

1703.

Cardinalis
eleemosynam
distribuit.Similiter &
Regina WIL-
HELMINA
AMALIA.Numerus re-
demptorum
85.Sedes Apo-
stolica circa
quædam Re-
demptionem
concernentia
consulit.

1703. Africam, ut Christi fideles inibi in misera Turcarum servitute constitutos, quos poterant, ab illa eximere querebant, eosque in Domino consolabantur, Ecclesiastica Sacra menta illis administrabant, ac eorum denique animarum saluti, quibus poterant rationibus, incumbere valebant, mittere intendebant, Memoratus Urbanus Praedecessor, ut iidem Religiosi in commisso sibi munere hujusmodi ad eorundem Christi fidelium spiritualem fructum utilius se se exercere valerent, Supplicationibus dicti Procuratoris nomine sibi super hoc humiliter porrectis inclinatus, Religiosis mittendis huiusmodi, quod altare portatile cum debita reverentia & honore, sub quo in locis Africae duntaxat, honestis tamen & congruis etiam non sacratis, & cum temporis qualitas id exegisset, etiam antequam illucesceret dies, circa tamen diurnam lucem in dictorum captivorum & aliorum fidelium in dictis locis degentium praesentia Missas & alia Divina officia celebrare, omnésque & singulos eorundem locorum utriusque sexus Christi fideles, ipsorumque confessionibus diligenter auditis, a quibuscunque excessibus & delictis, etiam in Bulla, die Cœna Domini legi solita, contentis, ac pro commissis per eos, & eorum quemlibet poenitentiam injungere salutarem; nec non his, qui peccata sua confessi, & de illis contriti fuissent, ac Sanctissime Eucharistie Sacramentum sumpsissent, toties plenariam omnium & singulorum peccatorum suorum indulgentiam & remissionem misericorditer in Domino elargiri liberè ac licite valerent, Apostolica Authoritate facultatem impertitus fuit; nec non eosdem, qui dura servitute in illis partibus oppressi pro tempore fuissent, quotiescunque ab Ecclesia Romana Pontifices, etiam prescripta fidelibus ad illas assequendas formâ & statuto tempore in eisdem adjecto proponi contigisset, cum primùm illarum ad eosdem captivos notitia pervenisset, aliqua agendo, quæ naturali libertate privatum verisimile erat, facere posse, illas omnes consequi, quæ alii Christi fideles tempus, & formam exacte in illarum Concessione tradita observantes, consecuti fuissent, eadem Authoritate voluit, & declaravit, & alias prout ex ipsius Urbani Praedecessoris Litteris desuper in simili forma Brevis die vigesima Januarii MDCXXVI. expeditis, quarum tenorem praesentibus pro plenè & sufficienter expresso & inserto habere volumus, uberioris continetur.

Cum autem sicut modernus Procurator Generalis dictæ Congregationis Nobis nuper exponi fecit, eadem Congregatione in Germania & Polonia Regnis subinde propagata, fratres ejusdem Ordinis in novis Conventibus Regnum hujusmodi commorantes Constantinopolim,

ad Tartariæ partes, aliaque infidelium loca ad captivos hujusmodi redimendos sese conferre soleant, ac proinde ipse Procurator Generalis prædictas Praedecessoris Urbani Litteras ad loca hujusmodi a Nobis extendi & ampliari plurimum desideret. Nos piis ipsius Procuratoris Generalis votis, ac in re, quantum cum Domino possumus, annuere cupentes, Supplicationibus ejus nomine Nobis super hoc humiliter porrectis inclinati, de Venerabilium Fratrum nostrorum Sanctæ Romanae Ecclesiæ Cardinaliam Concilii Tridentini Interpretum consilio, & attenta relatione Dilecti Filii Nostri in Alma Urbe Vicarii in spiritualibus Generalis super præmissis eisdem Cardinalibus facta, Fratribus dicti Ordinis ad loca infidelium hujusmodi se se conferentibus, ut altari portatili utantur, & a casibus reservatis in eisdem locis infidelium duntaxat, cum dependentia tamen a nunc, & pro tempore existentibus Vicariis Apostolicis a Sede Apostolica deputatis, absolvere possint, ac valeant, Apostolica Authoritate tenore præsentium concedimus & indulgemus; Salva tamen semper in præmissis Authoritate Congregationis eorundem Cardinalium. Decernentes easdem præsentes Litteras semper firmas, validas & efficas existere, & fore, suosque plenarios & integros effectus sortiri & obtinere, ac illis, ad quos spectat, & pro tempore quocunque spebit, in omnibus & per omnia plenissimè suffragari; sicq; in præmissis per quoscunque Judices ordinarios & delegatos, etiam causarum Palatii Apostolici Auditores judicari & diffiniri debere, ac irritum & inane, si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus & Ordinationibus Apostolicis, nec non omnibus & singulis illis, quæ in ejusdem Urbani Praedecessoris Litteris concessa sunt, non obstat, ceterisque contrariis quibuscunque. Volumus autem, ut earum præsentium Litterarum transsumptis, etiam impressis manu alicujus Notarii Publici subscriptis, & Sigillo personæ in Dignitate Ecclesiastica constitutæ munitis, eadem prorsus fides in judicio, & extra illud adhibeatur, quæ præsentibus ipsis adhiberetur, si forent exhibite, vel ostensæ, Datum Romæ apud S. Mariam Majorem sub annulo Piscatoris die vigesima prima Novembris M DCC III. Pontificatus Nostri anno tertio.

(L.S.)

F. Oliverius.

V. Tria sunt, quæ potissimum in superius inserta Bulla Urbani VIII. reperiuntur concessa Privilegia, videlicet altare portatile, absolutio a casibus reservatis, & Indulgentiarum promulgatio.

Compendium
Bullæ atque
Scholijum.

Qqq 2

In

1703.

In præsenti Declaratione, sive extensione ad Germaniam & Pannoniam primum plenè conceditur. Secundum restrictè prorogatur. Tertium planè abrogatur. Ex virtute igitur hujus Declarationis licet Patribus Redemptoribus Constantinopolim, aut in Turciam, Tartariam, Asiam, aut in quæcunque infidelium loca proficiscentibus uti in illis altari portatili debita cum reverentia: absolvere verò poenitentes a casibus reservatis, præsertim ab heresis & apostasie criminis, in iisdem locis infidelium indultum est, ea tamen cum restrictione, ut hæc facultas dependeat a Vicariis Apostolicis, ibidem in officio existentibus, ne eorum ordinariæ jurisdictioni præjudicium inferatur, aut inopportunæ lites excitentur, quæ circa hujusmodi quæstiones diu molestaverant Sacram Congregationem de Propaganda Fide. Nihil tamen his obstantibus, si recursus etiam in scripto foret difficilis, aut in mora periculum, juxta Theologorum placita Sedis Apostolicæ mentem benignius interpretandam arbitror, supplente Ecclesia defectum in ejusmodi singularibus casibus, ne animæ, earumque salus æterna in gravi versetur damnationis periculo, quibus Sancta Mater Ecclesia modis omnibus vult esse consultum. Abrogatum verò nobis penitus est elargiri, & publicare plenarias, aut alias quacunque indulgentias & peccatorum remissiones, ob eandem Vicariorum Apostolicorum rationem, quibus hujusmodi privilegia ex gratia speciali solent concedi. Cæterum Bulla Urbani VIII. pro Patribus Redemptoribus in Africam navigantibus, non obstante hac restrictione & abrogatione, in suo pleno manet vigore, & integrum fortitur effectum, quia illa perpetua est concessio, neque per istam nostram posteriorem revocatur; quod in breve scholium annotasse sufficiat.

C A P U T VI.

Vita & mors P. Isidori a Visitatione B. Virginis.

Primus Vien-
næ Professus.

I. **C**onceptam ex felice Redemptionis adventu lætitiam haud mediocriter corrupit præmatura mors P. Isidori a Visitatione, viri prorsus insignis, & primi, qui ex Germanica Natione solemnia Sacri Ordinis Nostri vota nuncupavit, cuius lugendus ex hoc mundo transitus contigit circa finem hujus anni millesimi septingentesimi tertii, isque nos tantò majore luctu involvit, quanto pluribus ille naturæ & gratiæ donis ornatus longum sui desiderium reliquit: absorptus est autem naufragis fluctibus maris Britannici in ipso etatis flore trigesimum vitæ annum vix supergressus, cui nunc pro meo instituto sequentî elogio parentare constitui, quod ei sanè jure longè meritissimo debetur, cùm ille in vita paucorum annorum breve quoddam in se virtutum compendium exhibuerit: *In flore primo (verbis Plinii utor) tantæ indolis Juvenis extinctus est, summa consecuturus, si virtutes ejus maturuissent.*

II. Natus est P. Isidorus noster Viennæ in Austria a piis, honestis atque commendatissimæ famæ parentibus die vigesima prima Martii

Plinius Lib.
1. Epist. 9.

Natalis ejus.

Martii anno millesimo sexcentesimo septuagesimo tertio, & in Cathedrali S. Stephani Proto-Martyris Basilica sacrô tinctus Baptismatis lavacrô nomen tulit Isidori Joachimi Antonii. Pater ejus fuit Joannes Ludovicus itidem Viennâ oriundus, qui primò sub PHILIPPO IV. deinde sub CAROLO II. Catholicis Regibus militaria inter Legiones Germanicas meruit stipendia, & tribus postea Augustissimis LEOPOLDO, JOSEPHO & CAROLO Imperatoribus ultra annos quadraginta familiaribus obsequiis addictus egregia sua sedulitate se probavit. Mater fuit Maria Anna, quæ Cæsar-Augustæ in Aragonia lucem vitalem hauserat, Viennam subinde delata Joanni Ludovico Patri ejus in conjugem cessit. Ut tranquillum ita secundum fuit eis matrimonium, in quo plures educavere proles: major natu filius, præclaræ indolis adolescens, a LEOPOLDO I. Romanorum Imperatore in Hungaria honora-tō donatus officiō paucis annis ex aëris gravitate & locorum insuetudine contracto morbo vitam finiit. Secundò genitus Isidorus noster spretis sæculi vanitatibus Ordinis Trinitarii amplexus est Institutum in ipso penè hujus plantationis exordio.

III. Igitur Isidorus noster in parentum domo pueritiam & partem adolescentiae exegit, ibidemque tam primis in litterarum rudimentis, quam in bonis moribus ad Christianam vivendi normam institutus fuit. Docile, sed ardens propemodùm natus est ingenium, ita, ut moderatores ingenti solicitudine ei invigilare necesse habuerint, ne juvenilis ætatis fervore in transversum ageretur, qui nisi maturè temperet, tantò majori discrimini hominem objicit, quantò perspicacius ingenium natus est. Postquam Rhetoricis & Dialecticis Institutionibus in Viennensi Universitate animum excoluisset, altius sapere didicit; cœpit enim evanidas hujus mundi spes secum mente revolvere, & ingentia pericula considerare, quæ animum inter perpetuos hujus sæculi tumultus undique circumstant, eumque blandissimis illecebris, ceu fascinô quodam dementatum, ad præcipitum æternorum malorum violenter quasi abripiunt. Seriò itaque de capefendo Religiosæ vitæ statu deliberavit. Evidem ille primò, ut teneræ suæ complexioni consuleret, ordinem eligere decrevit vietus vestitusque commodioris; dein verò familiari Patrum Nostrorum conversatione incensus mutavit animum, & de Divina Gratia confus Discalceatam Religionem nostram, rigidioris disciplinæ & austerioris vitæ studiō florentem, expetivit utriusque parentis annutu, & omnium nostrorum desideriō. Ne autem diu dilata desideria citò rursus exarescerent, die octava & vigesima Junii in festo S. Petri Apostolorum Principis anno millesimo sexcentesimo octogesimo nono, ætatis verò decimò septimò sacra ueste induitus P. Joanni a S. Augustino, cujus vitam superiùs descripsimus, in sacris Ordinis legibus ac ritibus instituendus traditus est, atque sub optimo Magistro verè pietatis succum atque religionis suxit, bonusque discipulus evasit. Vertente probationis anno die secunda Julii, in Festo DEIPARÆ Virginis Elisabetham visitantis, solemnibus Religionis votis se D E O consecravit in holocaustum

1703.

Educatione.

Vita delibe-
ratio.Ordinem no-
strum ample-
titer.

Eius Magister.

Solemnia vo-
ta profitetur.

1703. Primogenitus omnium eorum, qui in Germania posteà idem secuti sunt vitæ Institutum.

Vita ejus, ac
mores.

Studia.

Sacerdos.

Concionator.

Animas ad
salutem in-
struit.

IV. Professione votorum emissa totus virtutum studio incubuit, enixéque operam dedit, ut quemadmodum cæteros anteibat tempore, sic eis præluceret exemplò: adeò autem anterioris vitæ consuetudinem mutavit, ut omnes, qui priùs eum noverant, magnoperè demirarentur ingenuam in illo morum gravitatem, in verbis pondus & in rationibus efficaciam, dicerentque, eum supra ætatem sapere, & in juvenili pectore senile cor circumferre.

V. Annô millesimô sexcentesimô nonagesimô primô cum aliis fratribus Philosophiae studiis Superiorum iusfu admotus eximios fecit progressus, & absoluto trieteridis cursu universam Philosophiam invitatis ad hunc actum exteris, qui ejus scientiæ periculum facerent, omnium approbatione defendit, & opposita argumenta acutè dissolvit. Theologiæ Scholasticæ ac Morali dein operam dedit, sub cuius decursu ad preces suorum parentum obtenta Summi Pontificis dispensatione ante canonicum ætatis tempus legitimè sacerdos ordinatus est.

VI. Litteris apprimè excultus dicendis ad populum concionibus se totum devovit. Id munus erat, ad quod suaptè naturâ propendebat: severiore igitur censura sibimet ipsi intentus cavit sollicitè, ut priùs ficeret, quæ populum posteà ex ambone docturus erat; conceptum præstantiâ, doctrinæ ex sacris utriusque Instrumenti & Sanctorum Patrum libris haustæ soliditate, vocis suavitate, & actionis gestuumque elegantiâ brevi tempore famam celeberrimorum Urbis Viennensis Concionatorum æquavit. Ad alias quoque Ecclesiæ in majoribus solemnitatibus ad dicendum invitatus conceptæ de se expectationi & Auditorum desiderio cumulatissimè satisfecit; cuncta siquidem verba ejus indefessam industriam ac vividissimum ingenium spirabant, quibûs vitiorum fugam, virtutum studium persuadere, & corda hominum ad DEUM trahere nitebatur.

VII. Quamobrem non pauci fuêre, qui ejus arbitrio conscientiæ arcana credebant, ejus consilia sequebantur, atque in suis dubiis & mentis perplexitatibus ad eum potissimum configiebant, quos ille impensè semper adjuvit non tantùm verbis in sacro pœnitentiæ tribunali, sed etiam scriptis ad absentes epistolis, quando necessitas styli officium exposcere videbatur; accidit enim sæpenumerò, pias & devotas personas gravibûs vexari conscientiæ scrupulis, quæ, nisi exactâ prudentiâ eis succurratur, in majores prolabuntur animi angustias. Repertæ sunt epistolæ, quas ad devotam matronam dictaverat, salutaribûs monitis & doctrinis refertæ, in quibus prolixè videre licet, quanta ejus fuerit prudentia in sugerendis consiliis, quanta dulcedo in solatiis, quanta denique circumspetio & perspicacia in detegendis callidi hostis, sub specie boni animarum in transversum agere soliti, insidiis. Confortavit eam insigniter, instruxit mirabiliter, eruditivit subtiliter, ut hæ solæ epistolæ, quamvis nulla alia ejus pietatis argumenta suppeterent, ubertim testatum faciant, illum in directione animarum omnibus numeris absolutum Magistrum fuisse.

VIII.

VIII. Quantoperè autem ille Superis charus fuerit, & quām proclives habuerit in sua vota Divos, sequens eventus declarabit: Annō millesimō sexcentesimō nonagesimō septimō gravissima conflictatus ægritudine, quæ in erysipelas declinans vultum ejus, & omne caput occupaverat, facies ejus ita intumuit, ut vix astantes posset discernere. Huic incommodo acceſſerat nausea & ciborum omnium fastidium, quod continuis febrium paroxysmis, aliisque symptomatis auctum totò jam quatriduō ei dormiendi facultatem ademerat, & ad mortis confinia perduxerat. Nulla itaque humana medicina quidpiam proficiente, unus ex astantibus Patribus ejusdem misertus suasit, ut in extrema hac necessitate cælitum opem imploraret, atque in hunc finem attulit illi iconem Venerabilis Servi DEI P. N. Thomæ a Virgine, viri ab innumeris prodigiis tam in vita, quām post mortem patratis clarissimi: Monuit autem ægrum, ut se DEO commendaret, totóque fervore intercessionem hujus Venerabilis Patris imploraret, quem sibi non minùs propitium esset sensurus, quām alii in suis necessitatibus persenserant. His dictis imaginem ejus capiti supposuit: ille autem tam salutare consilium haudquam aspernandum ratus, mentem protinus ad invocandum hujus Venerabilis Viri patrocinium convertit. Vix ille orationem Dominicam cum Salutatione Angelica absolverat, cùm, ecce tibi! suavissimō somnō indormiūt. Post horæ non amplius quadrantem expergefactus ingentem vim sanguinis per nares effudit, quo levatus onere per quatuor continuè horas tranquillum nactus est soninum. Sæpiùs deinde per diem sanguinis effluxu repetito morbi simul malignitas excessit, & ex eadem hora convaluit, Medicis sanctè asseverantibüs, id non nisi ope Divina effici potuisse. Paucis postea lapsis diebüs integrè restitutus sanitati, DEO Sospitatori suo grates persolvit. Intercessoris quoque sui ac Patroni non immemor, ut ei pro viribus gratias rependeret, vitam illius Venerabilis Patris, olim in Castellano idiomate operâ P. Francisci a S. Bernardo Generalis Definitoris & Chronographi descriptam, ac Madriti annō millesimō sexcentesimō septuagesimō octavō typis evulgatam, in Germanicam linguam translulit, quæ deinde nonagesimō octavō ejusdem saeculi annō Viennæ impressa fuit; ubi ille nunc recensitum sanitatis beneficium capite 25. libri quarti paginâ 538. de se ipso fusiùs exponit. Eximius deinceps privata sua devotione cultor permanit Venerabilis P. Thomæ a Virgine, eandémque pro majori DEI gloria fervidè apud multos propagavit. Insuper ad sui, suorūmque solatium ex corpore Venerabilis P. Thomæ a nostro Cœnobio Madritensi, in quo idem corpus requiescit, digitī articulum multis precibüs impetravit, quæ Reliquiae apud nostros Viennæ reverenter asservantur, & ad ægros deportatæ multis salutem attulerunt, illis præsertim, qui naturali somnō destituuntur, cui malo levando peculiaris noscitur esse Patronus & Advocatus.

IX. Cæterū rerum Ordinis vel augendarum vel ornandarum fuit studiosissimus, quotidiè sollicitus, ut Sacrae Religioni nostræ,

1723.
Ope Divina
a gravi morbo
liberatus.

Vitam V.P.
Thomæ typis
edit.

Cultor ejus-
dem Benefic-
ium refert.

Reliquias eo-
jusdem obui-
net.

Rerum Ordini-
nis studiosus;

1703.

vel Ecclesiae aut cœnobio aliquod suâ operâ decus accederet , atque adeò nova semper , instar parturientis , in mente sua versabat molimina , quæ apto tempore pro Ordinis bono in lucem proferret . Socordiam remis velisque fugiebat ; noverat enim virulentiorem eâ non esse in Religione pestem , quâ mens putresceret , ac in deterrima vitia degeneraret . Vulgatissimum illud priscorum Anachoretarum adagium ei quoque frequenter in ore fuit , scilicet : *laborantem ab uno solo demone vellicari , Desiderum & torpem a plurimis impugnari , & facilius corripi , ac corrupti* . Rectè monet S. Bernardus Eugenium III. Pontificem , olim discipulum suum : *Cavendum est in otio otium . Fugienda proinde otiositas mater nugarum , noverca virtutum . Quibus præmissis hæc deinde cedarô & adamante digna verba subnectit : Inter seculares nuga , nuga sunt : in ore Sacerdotis blasphemia . Adeoque succisivas , quas ab aliis majoris momenti occupationibus liberas nactus est horas , non rebus frivolis impendit , sed bonarum litterarum studiô consumpsit , legendo nimirum vel scribendo , quæ aut ejus , aut proximorum saluti essent aliquando profutura . Chronica nostri Ordinis ex Castellano idiomate in Germanicum vertenda suscepit , quo opere ultra dimidium producto , cum sistere , & in aliud tempus differre laborem jussus fuisset , filium scriptionis protinus abruptit , quod alicquin procul dubio ad calcem perduxisset , si per tempus & occupationes alias licuisset . Justum volumen concionum ejus in nostra Viennensi servatur Bibliotheca , cui si curæ secundæ accederent , opus utile & prælô dignum facile judicaretur . Plura alia ingenii monumenta orbis litterarius ab eo sperare potuisset , nisi mors invida legitimum ante tempus vitae filum , & omnem inde spem præscidisset .*

*In Britanniam
mittitur .**CAROLUS
III Rex Ca-
tholicus de-
claratur .**Eandem in
Lusitaniam
comitaturus
navim ingre-
ditur .*

X. Sed enim intercepit hos , aliósque præclaros conatus ejus Superum & Superiorum dispositio , quâ anno superiore P. Mauro a Conceptione , Cæsaris jussu gravium negotiorum causâ (ut jam præfati sumus) in Magnam Britanniam profecturo , comes datus est , & cum eo Londinum in Angliam migravit . Elisis deinde ob immoderata confederatorum postulata hisce consiliis Londinè tantisper moram fecerunt , donec novis ex sacrationi Cæsaris consilio mandatis instruerentur . Duodecima die mensis Septembri anno hujus saeculi septingentesimo tertio Serenissimus CAROLUS Archi-Dux Austriae , Augustissimo LEOPOLDO Patre Cæsare & Fratre Serenissimo JOSEPHO Rege Romanorum jus ad Hispaniam Monarchiam in illum transribentibus , Rex Catholicus declaratur , & debitum sibi Regnum capessiturus Regio comitatu stipatus Vienâ in Angliam discedit , per mare Britanicum in Lusitaniam penetratus , cuius adventum interim Classis Anglicæ ad Portsmou-thum otiosa opperiebatur . Ineunte Decembri tota jam expeditio in procinctu steterat , unde & P. Maurus cum itineris socio P. Isidoro ad naves contendit , ibidénique aliquot diebus substigit ; sed cum interim repentinum quoddam negotium emersisset , in continenti pertractandum , statuit cum eodem socio navim egredi apto tempore redditurus . Versabatur autem in illa navi Chirurgus quidam

1703.

quidam sectæ Lutheri ab incunabulis deditus. Hunc P. Isidorus multis rationibus convictum, & familiari conversatione emollium ad suscipiendam Catholicæ fidei veritatem jam propemodum inclinaverat. Quamobrem ne hæc anima, de cuius salute impendiò fatagebat, se absente perverteretur, & a meliore proposito gressum revocaret, P. Mauro insinuavit, se, si ejus bonâ veniâ fieri posset, in navi remansurum, ut chirurgum illum in Orthodoxæ fidei capitibus plenius erudiret, de cuius conversione magnam spem concepisset. Id ipsum rogabant & cæteri Catholicæ, ne utroque simul sacerdote destituerentur, & spirituali anime solatiō. P. Maurus, quem futura latebant, nec quidquam sinistri suspicari poterat, horum precibūs flexus facile annuit, dictoque vale, quod supremum fuisse ille minimè putaverat, nam reliquit.

In navi ma-
net studiō ho-
minem ad fi-
dem conver-
tendi.

XI. Interea validissima insurrexit tempestas, & procellis immaniter saevientibus æquor omne ita excanduit, ut nautas tanto periculo impares ars quoque destitueret, & Oceanus in furias concitatus novis suis, quos identidem ex imo ebulliebat, fluctuum montibus, præsentissimum cunctis intentaret naufragium. Quassabantur navigia undarum violentiâ invicem collisa, totoque triduō dirissima fluctuum rabie jactata. Septima die Decembris in vigilia Immaculatæ Conceptionis Virginis DEIPARÆ tantis motibus agitatæ concussæque sunt naves, ut rimas tandem ubique egerint, latisque fissuris hiantes, cum procellarum tyranidi aliquamdiu restitissent, ad extremum denique ab irato æquore absorptæ fuerint, omnibus simul vectoribus submersis, præter undecim homines in actuariolo salvatos, quos inter duo erant domestici Hasso-Darmstadiani Principis Georgii, qui, ut tantæ cladis nuncium ferrent, naufragii tabulam adepti in litus emerserant. Hi postmodùm Viennam reduces enarraverunt, ut P. Isidorus noster illa in suprema lucta fervidi animarum Zelatoris officium sustinuerit exhortando ad delictorum poenitundinem universos, peccata confitentibus aurem præbendo, contritos absolvendo. Atq; in hoc terribili temporis articulo illud tandem est consecutus, quod haec tenus desideraverat; memoratus siquidem ille Chirurgus conspecta periculi magnitudine oculos denique Catholicæ veritati aperuit, & ejuratā hæresi per Sacramentum poenitentiæ Ecclesiæ reconciliari voluit, qui licet eodem naufragio perierit, salvata tamen meliore sui parte, animâ nimis, mortem meritò in lucro reputare potuit. Ipse porrò P. Isidorus, quamdiu super undas eminuit, elata CHRISTI cruci affixi imagine ad ultimum usque spiritum salutaria verba in hoc naufragio morituris in clamabat, eosque ad peccatorum contritionem, & concipiendam de Divina Misericordia fiduciam excitabat. Hæc ipsi nobis Viennæ singillatim cum fide retulerunt, qui præsentes cum mari simul & morte luctati fuerunt, idemque periculum feliciter & mirabiliter evaserunt.

XII. Infæustus hic nuncius P. Maurum, inenarrabili confixit mœrore, ut potè comite suo & fido Achate destitutum: nautas

Valida in ma-
ri tempestas.

absorbet ferè
omnes.

P. Isidorus in
suprema lucta
animarum ze-
lator.

Ad fidem
conversus u-
nus.

Corpus Patrie
quæritur, nec
invenitur.

1703. proinde mercede conduxit, ut velivolo cursu mare percurrent, viderentque, num fortè adhuc cum fluctibus luctanti possent opem ferre, aut saltem exanime ejus cadaver in litus ejectum sibi adferre Christianæ sepulturæ honorificè mandandum; sed omni adhibita solicitudine ac investigatione nusquam repertum fuit. Majori indè luctu oppressus P. Maurus diu planxit tanti viri jaetaram, DEOque pro ejus animæ salute ad aras sacrificia obtulit complura: neque multum cunctatus per proximum veredarium litteras Viennam transmisit, quibûs tristem hunc acerbæ fortis eventum nostris Religiosis nunciavit, ut pro anima defuncti Patris juxta sanctam Ordinis consuetudinem preces & hostias salutares DEO offerrent. Tragica tantæ calamitatis fama Viennam delata multorum excivit lacrymas; multi enim erant, qui ejus desiderio tenebantur, illumque effictim amabant, & colebant ob eximum morum candorem & conversationis suavitatem: ipse autem cuius virtus jam extra invidiam posita est, in cœlo (uti piè credimus) triumphat, & in DEO portum noctus tranquillum stabilémque in æternum exultat.

C A P U T VII.

1704. *In nostra Viennensi Ecclesia Instituitur Sanctissimæ TRINITATIS Redemptionis Captivorum Sodalitas.*

I. **A**nnus agitur æræ Christianæ millesimus septingentesimus quartus, qui malorum feracissimus res nostras in Hungaria adeò afflixit, ut parùm ab exitio absuerint. Sed ne illos carpere nunc, & perstringere videamus, quorum culpâ totum Regnum innumeris calamitatibus inundatum fuit, manum consultò a tabula retrahimus, eamque potius ad illa describenda convertimus, quæ Viennæ pro gloria Sanctissimæ TRINITATIS lætissimo successu gesta fuerunt. Qui dixerit, Sanctissimæ TRINITATIS Titulum totius Sacrosanctæ nostræ Fidei esse compendium, nihil a scopo aberrabit; in eo namque velut encyclopædia quadam circumscribuntur universa nostræ salutis mysteria, Lex & Prophetæ, omnésque rerum divinarum thesauri. Nihil sublimius Sanctissima TRINITATE aut excellentius in cœlo, sive in terra excogitari potest. Hunc omnium gloriosissimum Titulum Sacer Ordo noster Urbis & Orbis suffragiò ab ipsis suis incunabulis a primis Sanctis nostris Patribus ad filios, velut propriam hæreditatem, derivatum forte longè felicissima accepit, eundemque a multis retrò sœculis constanter semper præsetulit, ac in finem usque mundi absque invidia, aut jaëtantia conservare conabitur.

II. Hunc eudem Sacratissimum Titulum ad Divini Nominis gloriam Ordo per quatuor Orbis partes communem fecit omnibus cujuscunque statu, sexu, ordinis & conditionis hominibus; omnes enim, quotquot sub eodem labaro datis nominibus militare voluerunt, in Sodales admisit, confratres dixit, bonorumque participes effecit,

Tacendum
de malis Hun-
garie huic
temporis.

SSS. TRINI-
TATIS My-
sterium omni-
bus ceteris
supereminet.

Ordinis No-
stri titulus.

Allis commu-
nacatur.

Pro ejus ani-
ma suffragia.

effecit, sequentibus præsertim ex causis nimirum: ut Divinae TRINITATIS cultus majorib[us] quotidie incrementis augeretur, & Christianus populus sub dira infidelium servitute gemens collatis subsidiis citius avitæ libertati restitueretur; ad hunc etiam finem Summi Pontifices hanc Confraternitatem amplissimis Priviligiis, Indultis, Indulgentiis & peccatorum remissionib[us], bonorumque operum participationib[us] dotarunt, exornaruntque, ut fideles ad eam suscipiendam magis provocarent, & alicerent.

1704.

Cause, propter quas.

III. Temperatur ea Sodalitas certis quib[us]dam Regulis, ac præter alias peculiares functiones quotannis solemnies celebrat hominum coetus seu conventus. Haetenus ad participationem tantarum gratiarum Sodales magnō quidem numerō, sed privatim duntaxat confluxerant, quos inter numerabantur præcipui cum ipso Cœsare omnes Augustissimæ Domūs Principes, Archi-Duces Austriæ, & prætereà ingens multitudo Procerum Ecclesiastici & quæ, ac Politici Statūs, qui Albo Consodalium inserti Ordinis Schema gerebant in pectore, statutōque precum pensō, atque aliis quib[us]dam muniis piè persolutis concessarunt Indulgentiarum potiebantur thesauris. Nihil tamen hucusque publicis solemnitatib[us] peractum fuit, quia idoneō locō sive majore templo adhuc destituebamur: nunc verò, quod grandior Ecclesia multis ornamenti decora ad culmen jam pervenisset, primas curarum partes obtinuit consodalitatis ejusdem institutio. Hanc si bi provinciam magnō vendicavit zelō, parique successu P. Ignatius a S. Michaële Austriacus Viennensis, qui eo tempore Dominicis diebus verba ad populum faciebat, adjutus præsertim munifica pietate Excellentissimæ Dominæ Mariæ Teresiæ Comitis Kinskiæ, e quinque Ecclesiensium Dynastarum, vel ut publicus loquendi mos obtinuit, olim Baronum, nunc Comitum Familia oriundæ. Hæ Matrona Nobilissima Divini honoris incensa studiō nullis pepercit sumptibus, ut omnia, quæcunque dictus Pater sive ad necessitatem, sive ad splendorem requirebat, manu liberalissima suppeditaret.

Privata de-
votione hu-
cique excle-
batur Sodali-
tas.

IV. Sic rebūs omnib[us], ut pius patriæ mos fert, dispositis accessit etiam Celsissimi Principis D. Francisci Antonii e Comitibus Harrachiis Episcopi Viennensis Auctoritas, & publica instituenda Sodalitatis facultas. Hac obtentā coacta sunt prima hujus Confraternitatis Comitia, in quibus Augustissimus LEOPOLDUS I. Romanorum Imperator electus fuit Protector Confraternitatis, Excellentissimus verò D. Ferdinandus Bonaventura, Comes Harrachius, primus Parens noster benevolentissimus, Rector: Designati quoque fuerunt aliorum munierum & officiorum administratores, utputa Assistentes, Consultores, Thesaurarius, non inania officiorum & dignitatum nomina, ex Viris spectatissimis & præcipuis nostri Ordinis Benefactoribus. Porro P. Martinus ab Ascensione Commissarius Generalis huic Sodalitio cum potestate præfecit prædictum P. Ignatium a S. Michaële, quem Præsidis titulō decoravit, eidēque ac successoribus ejus ab ordine designandis, nec non & ipsis quoque officialibus, superius recensitis,

Publicè insti-
tuendam suf-
cepit P. Ignatius.

Facultas Or-
dinarii.

Officia Soda-
litatis.

Electio.

1704. potestatem contulit perpetuam electionem instaurandi, quoties ob mortem veterum officialium novi essent surrogandi.

*Princeps ara
perficitur.*

*SSS. TRINI-
TATIS Felliū
Titulare.*

*Publica So-
dalitatis In-
stitutionis.*

V. Erigebatur sub idem tempus in Ecclesia nostra princeps ara per celeberrimos artifices Andream de Puteo, Societatis Iesu Religiosum, Andream Lanzanum Sacri Romani Imperii Equitem, Mediolanensem Piastorem, illo Architectonicam & Opticam dirigente, hoc verò elegantissimam tabulam figuris in pariete illustrante, artis industriā in hoc opere tam insigniter se efferrente, ut Vienna quid perfectius hucusque non viderit. Instabat festum solemnisimum totiusque Ordinis nostri Titulare, Sanctissimae nimurum ac Individuae TRINITATIS, in quo publicè auspicanda erat prima institutæ Sodalitatis functio: acceleratum itaque sine artis dispendio est opus principis aræ, ad illum diem solemnum omnibus numeris absolvendum, quod reapse etiam supra omnem expectationem præstitum fuit.

VI. Illucescente denique die decima & octava mensis Maji, quæ eō anno Dominicam Sanctissimæ TRINITATIS Orbi Christiano attulerat, innumerabilis hominum multitudo ad nostram Ecclesiam confluxit, devotione erga Sanctissimam TRINITATEM, & piissimæ Institutionis novitate excita, cui concursui mirum in modum obstetricabatur sudum, innubéque cœlum, quod serena facie sua devotorum corda ad invisum hactenus spectaculum invitare videbatur. Huic initium dedit Admodum Reverendus P. Eugenius Ordinis Minorum Conventualium S. Francisci, & in urbe ad S. Crucem Ordinarius Divini verbi Praeco, eleganti sermone panegyrico; quō absolutò magno splendore & apparatu prodixit universa Sodalitas cum noviter electis ministris & officialibus. Hos sequebantur Religiosi nostri linteati & sacro cultu amicti, rem divinam ad Principem aram operaturi; quō ut per ventum est, omnésque suo ordine in præparatis subselliis conferderunt, dicta fuit e loco editiore Oratio Germanica ab Adolescenti Academico, qui de antiquo Sanctissimæ TRINITATIS instaurando cultu, de præsenti ejusdem Confraternitatis Institutione, de amplissimis gratiis, privilegiis, indulgentiis, ei concessis, copiosè differuit. Hic postquam loqui desisset Secretarius Confraternitatis Electiones Augustissimi Protectoris, Excellentissimi Domini Rectoris, aliorūque Dominorum officialium promulgavit, cuiusvis nomen & officium sequente tubarum & tympanorum applausu. Ad extremum dictus Orator Academicus epilogum orationi attexuit Congratulationibꝫ longè plenissimum. Demum Hymnus Augustino-Ambrosianus & solemne Sacrificium inter exquisitos musicorum modulos devotissimè decantatum fuit, qua norma singulis annis anniversaria hujus Divinissimi Mysterii Festivitas æquali semper pietatis tenore, & populi affluxu ad hæc usque tempora nostra colitur.

*Augustissimæ
Majestates ad
nostram ve-
niunt Eccle-
siam.*

VII. Post breve temporis interstitium ad nostram Ecclesiam pervenerunt Augustissimæ Majestates LEOPOLDUS I. Romanorum Imperator cum Augusta conjuge ELEONORA MAGDALENA, Serenissimo Romanorum & Hungariæ Rege JOSEPHO I. &

WIL-

WILHELMINA AMALIA Regina Conjuge; MARIA ELISABETHA, MARIA ANNA & MARIA MAGDALENA Archi-Ducibus Austræ longum post se Nobilissimorum Procerum & Illustrium fœminarum syrma trahentes. Hi postquam præparatam orchesteram occupâsent, Excellentissimus & Reverendissimus Dominus Ladislaus Mattyásovský, Nitriensis Episcopus & Aulicus Regni Hungariæ Cancellerius Pontificali ritu inter densam assistentium Ministrorum Ecclesiasticorum catervam ad aram principem operatus est, quem Cæsarea musica exquisitâ vocum & instrumentorum symphoniam comitabatur. Absolutô Missæ Sacrificiò Augustissimæ Majestates cum Serenissima Domus Austriacæ Familia sub meridie ad commune cœnobii Nostri triclinium concessere, ibidémque cum nostris Religiosis suô loco se refecerunt, solô P. Commissariô Generali ex mandato Cæsarî mensæ Suarum Maje-
statum assidente.

Prudente in
nostro tricli-
nio.

VIII. Post meridiem statio tempore P. Ignatius a S. Michaële Confraternitatis Præses, præsentibûs jam Augustissimis Majestatibus & Serenissimâ Familiâ, alterum sermonem ex ambone habuit. Decantatîs deinde vespertinîs laudibûs Splendidissima processio instituta fuit, quæ extra fores Ecclesiæ longo ordine per plateæ circuitum ad nostrum rursus templum reversa est eodem Præsule Pontificalia munia administrante, Augustissimisque Majestatibus cum tota nobilitate aulica religiosam hanc pompam comitantibûs. Tandem Sole jam in occasum declinante pro corone pomeridianæ devotionis, quæ ultra tres horas tenuit, Lau- retanæ Litaniae decantatæ fuerunt inter undantem accurentis populi multitudinem, quæ hujus Solemnitatis magnificantia allela undeaque confluxerat. Demum cùm, sacra hac functione ad calcem perducta, Augustissimæ Majestates abire pararent, P. Martinus ab Ascensione Commissarius Generalis ad fores templi consistens Augustissimis totius Communitatis nostræ, utrumque latus itipantis, nomine gratias, quantas grata mens potest maximas, pro tanta dignatione officiosissime persolvit.

Functiones
post meridie
diem.

Augustissimis
Majestatibus
gratia per-
luta.

C A P U T VIII. *Acta præliminaria ad erectionem Cœnobii Pragensis referuntur.*

I. **D**um Ordo noster decumanis malis in Hungaria confictatur, & res ejus nondum benè solidatæ temporum ini-quitate magis atteruntur, plurimùm indoluit, cùm videret, spes suas marcescere, & profectus suos temporum injuriâ fœdè dissipari, ut proinde illi nihil reliquum manserit, quam cum Regio Vate expectare & suspirare *tempus beneplaciti DEUS*. In tanta calamitatum congerie, ut patientis Innocentiae cum tempore uberioris refloescunt præmia, non destituit Misericordia Domini in tribulatione patientes & orationi instantes, sed nos consolata est eodem tempore alibi non modicis accessionibûs, ut facile nostrum

Post graves
serumnas spes
major conso-
lationis.

Psal. 64. v. 14.

*Ad Rom. 12
v. 12.*

Tttt quisque

1704. quisque secundiora ominaretur, divinatione ex illis verbis Jobi formata, *Quasi aquarum, quæ præterierunt, recordaberis: & quasi meridianus fulgor consurget tibi ad vesperam, orieris ut Lucifer.* Id sanè mirabili Divini Numinis Providentiâ in nobis, nihil tale cogitantibus, videre licuit, qui, cùm ob immodicas afflictiones ad vesperam nos pervenisse arbitraremur, præter opinionem novo fulgore recreati sumus, & quidem primò ex occasione instituendi cœnobii Pragensis apud Bohemos, cuius fundatio non pridem sponte oblata, hōc annō cœpta, & sequentibūs feliciter obtenta fuit, ut nunc paucis exequemur.

Occasio Fun-
dationis Pra-
gensis.

Dobrzitzum.

Notitia eum
A. R. D. Cro-
cin Cruciger.

Pragam pro-
fectio institui-
tur.

Charitas Ord.
Crucigerorum
cum rubea
stella.

II. P. Joannes a Cruce Hispanus ex oppido campi Martii, quod vulgo Manzanares dicitur, oriundus, eo tempore ab epistolis fuerat supradicto P. Commissario Generali. Erat ille quoque secretæ pietatis minister apud Illustrissimam Virginem Dominam Eleonoram de Mansfeld filiam Principis Fundani. Hæc connubii fœdere non multò post illigata Illustrissimo Sacri Romani Imperii Comiti Domino Carolo de Mansfeld, Principis axioma æquè deinde consecuto, cùm gentilitia prædia in societate mariti adire constituisset, in viæ comitem & conscientiæ arbitrum eundem P. Joannem expetivit, piique desiderii sui compos effecta mense Septembri die vigesima nona in festo S. Michaëlis Arch-Angeli anno superiore millesimo septingentesimo tertio Viennâ Dobrzitzum in Bohemiam perrexit. Ad hunc locum veredariis equis citò delati pro gentis urbanitate factus est ibidem ingens vicinorum nobilium concursus ad salutandos loci Dominos: qua occasione P. Joannes familiarem notitiam contraxit cum admodum Reverendo Domino Francisco Crocin Sacri militaris Ordinis Crucigerorum cum rubea stella, Knynensi Administratore, cui Ordinis nostri Institutum, Redemptio captivorum, quod ex relatione P. Joannis didicerat, adeò probabatur, ut effictim optaret Religionem tot numeris salutarem etiam Bohemiæ implantari, atque in hunc finem varia media & idoneas rationes proponeret.

III. Præsente deinde anno hujus sæculi quarto, cùm in mense Januario præfato admodum Reverendo Domino Francisco Crocin necessitas incumberet ob certa quædam negotia Pragam proficisci, urbem quinque duntaxat milliaribūs Dobrzitzio diffitam, eundem P. Joannem ad societatem itineris invitavit, cui ille etiam promptissimè morem gessit, non tam celeberrimæ civitatis visendæ cupidine, quam Religionis propagandæ zelô stimulatus, quod speraret, hac occasione se aditum aliquem ad conceptum propositum perficiendum reperturum. Pragæ in Xenodochio eorundem Crucigerorum cum rubea stella, ad pedem pontis extructo (Hic namque præstantissimus Ordo sub Regula S. Augustini hospitale charitatem mirificè excolit) uterque non aliter ac in propria domo excepti mutuis certabant se prævenire officiis: colebatur autem præcipue religiosis affectibūs P. Joannes; sunt namque Venerabilis hujus contubernii viri, ut jam insinuavimus, erga exteris quoscunque perquam comes, & officiosi, CHRISTUM suscipere in pauperibus gaudent, & ambient, veluti ab antiquissimis temporibus suis a Majoribus accepere.

IV.

IV. Alterius Hospitalis Neo-Pragæ, quod *Novi* nomen habet, præfecturam gerebat admodum Reverendus Dominus Joannes Beczkovius ejusdem Ordinis Crucigerorum, Vir patriarcharum apprimè gnarus rerum, & sedulus indagator, diuturnâ experientiâ clarus, & multîs voluminibûs editîs commendatus, dudum nostris, qui in his temporum angustiis Posoniô stipis corrogandæ causâ Pragam commeaverant, insigni benevolentiâ addicetus. Noverat is longo incolatu omnem propè urbis statum, ejusdémque in consiliis prudentia nobis utilis videbatur ad præstitutum negotium feliciter transigendum. Ad hunc itaque ab admodum Reverendo Domino Crocin adductus P. Joannes noster eidem aperuit, quid in animo versaret, illiusque sententiam efflagitavit. Is autem pro vetere erga Ordinem nostrum studio huic proposito impensè favit. Etsi verò non paucæ nec parvæ ipso in limine occurrerent difficultates, varia tamen ad propositum indicavit loca, & proposuit media, exacteque discussit, quid obesse, quid prodest utrinque possit. Inter cætera loca Sacellum S. Lazari in commodo loco situm, quod a Magistratûs jure pendebat, communî suffragiô faciliùs impetratu judicabatur. Hâc sententiâ ab omnibus comprobata. Admodum Reverendus Dominus Crocin, ut rem ulteriùs promoveret, Germanum fratrem suum, ejusque generum Dominum Matthæum Wenceslaum Lhotak de Lhota, eo tempore Neo-Pragensis urbis consulem, viros præstantes & multæ auctoritatis, consanguinitatis, affinitatisqué titulîs sibi devictos haud ægrè induxit ad patrocinium hujus causæ suscipiendum. Horum igitur favore animatus P. Joannes nullô hucusque instrutus mandatô, sed Ordinis sui propagandi studiô zeloque impulsus ea de re ad Amplissimum Novæ urbis Magistratum supplicem conscripsit libellum, in quo postquam Ordinis Institutum, Redemptionem nimirum captivorum fusiùs exposuisset, simûlque ostendisset messis ubertatem, & operariorum paucitatem, ad extremum obnixè supplicavit, ut Amplissimus Senatus desertum propè S. Lazari Sacellum Ordini nostro conferre dignaretur. Hæc ille in chartam conjecit, & paulò post, die scilicet decima octava mensis Januarii hoc supplex schediasma Senatui porrexit. Re obitèr in Senatorum confessu discussa responsum quidem prodit in nostrum favorem, at verbis duntaxat conceptum, & nullâ scripturâ expressum: cùm autem P. Joannes, hisce verbis non satis acquiesceret, vigesimâ secundâ ejusdem mensis altero libello supplece post gratias copiosissimè persolutas pro benevolo Senatûs responso, obsecravit, ut tam benignam concessionem scriptis confirmare dignaretur. Senatus intellecta Patris voluntate die vige-sima quarta mensis Januarii re pensiculatiùs examinata eidem libello supplici ad calcem adscribi jussit, Amplissimum Senatum ad petitionem sibi factam, ut proximè adsitum Sacellum S. Lazari Ordini Sanctissimæ TRINITATIS de Redemptione captivorum pro exstruendo cœnobio concederetur, præcedenti responso integrè insisteret, attamen cùm causa hujusmodi ulteriore, & omnium quidem, quos tangit, deliberatione, cunctarumque

1704.
Ad proposi-
tum dirigitur
negotium per
A. R. D. Be-
ckovium.

Sacellum S.
Lazari locus
commodus.

Fautores
quæruntur.

Offertur sup-
plex libellus.

Responsio
verbis datur,

Alter Libellus
supplex.

Altera re-
sponsio in
scriptis.

1704.

circumstantiarum exacta consideratione indigeat, ac præterea consensus Suæ Sacræ Cæsareæ Majestatis necessariò requirendus præcedere debeat, sibi nunc integrum non esse, decretorium responsum proferre, & mentem categoricè aperire.

Ambigua li-
cet favere ta-
men videtur.

V. Ambigua nonnihil & perplexa hæc respondendi ratio videbatur, e qua tamen facile inferri potuit, Senatum, quantum in se erat, ejusque potestatem attinebat, nostram causam fovere, quod pro nunc ad præstitutum finem consequendum Pater satis esse rebatur; quia jactô hoc præliminari fundamento, & posito semel primo gradu gressuque negotium semper ulterius promoveri poterat.

Procuratoria
facultas sub-
mittitur.

VI. Porro hæc omnia agebantur insciô penitus P. Commisario Generali, cujus partes sunt admittere ejusmodi novas Ordinis colonias, aut moliri, quem cum P. Joannes huic cœpto minimè adversaturum præfigaret, ipse tacita ex facultate rem in grande Ordinis emolumentum redundaturam aggressus est: Ne tamen hoc factum P. Commissarium diutiùs lateret, litteras confessim Viennam expedivit, in iisque non solum Senatus Rescriptum transmisit, sed etiam rogavit, ut, quod caput erat, Cæsaris consensus celeriter impetraretur. Lætus hōc nunciô P. Commissarius Generalis, rem adeò insperatam, & quasi divinitus inspiratam, quād pridem in votis habuerat, ambabūs, ut ajunt, ulnis amplexus est, & P. Joanni actutum in hac causa Procuratoriam Facultatem delegavit, ut opus feliciter incepturn legitime prosequi, & ad finem tantoperè desideratum perducere valeret.

C A P U T I X.

Propositorum instituendi Pragæ Ordinis Cœnobium instantius urgetur.

Cæsari sup-
plex Libellus
porrigitur.

Regius favor
cum juris or-
dine.

Ad Regiam
Locumtenen-
tiam petitum
refertur.

I. P. Commissarius Generalis Viennæ, ne inutili comperendit, natione Pragensium Fautorum nostrorum studia torporent, confessim ad suas partes respexit: Augustissimo igitur Cæsari LEOPOLDO I., velut Regi Bohemiæ, supplici libelio Senatus Neo-Pragensis Rescriptum exposuit, Suæque Regiæ Majestatis Clementissimum assensum humillimè efflagitavit. Imperator, ut erat Ordini nostro addictissimus, annuenti similis benevolum Pragensium animum Sibi placere ostendit; verumtamen ut in hoc negotio ordinatè procederet, ad Regni Bohemiæ Consilium, in quo talia postulata prius ventilari consueverunt, illud remisit; interea verò P. Commissarium Generalem benè sperare jussit, & de bono successu securum reddidit.

II. Supplex itaque Libellus noster Inclito Bohemici Regni Consilio exhibitus magna cum sollicitudine fuit examinatus: cum autem ad resolutorium responsum proferendum, exquirenda quoque essent aliorum Regni tribunalium suffragia, sive arbitria, Clementissimus Cæsar ex Consilio ad Regiam Locumtenentiam (Tribunal est ex duodecim præcipuis Regni Proceribus conflatum, quorum

quorum in dicundo jure magna est Auctoritas) die vigesima prima Februarii ejusdem anni expedivit Decretum, quod subnecto : 1704.

LEOPOLDUS.

Dilecti Fideles : ex acclisis vobis fusiis licet intelligere, quater Nobis Patres Trinitarii Redemptionis captivorum pro Clementissimo consensu, quatenus in Regia urbe Nostra Neo-Praga in loco prope Sacellum S. Lazari sito sibi conventum erigere liceat, supplicaverint. Ut autem supplicantibus desuper debitum responsum decernere valeamus, idcirco vobis hisce clementissime demandamus, ut Loci Ordinarium hoc in negotio audire, & exploratam ejus mentem unà cum hoc PP. Trinitariorum postulato mature conferre, ac demum Nobis vestrum arbitrium ad nostram Regio-Bohemie Aule Cancellariam unà cum præsentium acclasarum remissione, quam primum obsequentissime expedire studeatis. In quo adimplebitis Clementissimæ Voluntatis Nostræ Mandatum. Viennæ 21. Febr. 1704.

Cæsareo-Re-
giū Decretum

III. Hoc Cæsareum Decretum, ubi Pragam pervenisset, a Regia Locumtenentia Reverendissimo ac Celsissimo Principi Archi-Episcopo Pragensi, Domino Joanni Josepho e Comitibus de Breüner, intimatum fuit sequentibus :

Decretum
intimatur.

Quemadmodum Sue Sacre Cæsareae, nec non Hungariæ Bohemicæ Majestati Clementissimo Domino nostro Patres Trinitarii Redemptionis captivorum per suum adjacens humillimum postulatum supplices facti sunt, & pro Clementissimo consensu, quatenus in Sue Cæsareae Regiae Majestatis Neo-Civitate Pragensi in loco prope Sacellum S. Lazari sito conventum fundare valeant, humiliiter efflagitârunt. Sua Majestas verò, quid in hoc negotio Sue Celsitudini tanquam Loci Ordinario videretur, id ipsum postulatum de dato Viennæ 21. Februarii currentis anni Clementissime remisit, ut hoc adjacens exemplar pluribus exhibet. Quod Clementissimum Mandatum, dum Celsitudini Vestre hisce communicamus, exploratæ mentis arbitrium desuper expectantes, & Divinae Protectioni Nos committentes manemus. Ex Castro Pragensi 9. Maii 1704.

IV. Celsissimus Princeps Archi-Episcopus intellecta Cæsareæ Majestatis voluntate Reverendissimo suo & Venerabili Consistorio supplicationem nostram perpendendam & discutiendam tradidit : antequam autem hoc fieret, Consistorium juxta Canonum Decreta petitionem nostram priùs reliquis Religiosorum Ordinum in urbe Pragensi Cœnobiis exponendam censuit, atque in hunc finem Reverendissimus & illustrissimus Dominus Daniel Josephus Mair Vicarius Generalis & Officialis ad singulorum asceteriorum Praefectos in pari forma sequentes Litteras expedivit.

Petitum se-
cundum Ca-
nones Regu-
latibus com-
municatur.

Uuuu

Admo-

1704.

Admodum Reverende ac Religiose Pater.

Intendunt prævia ad Suam Sacram Cæsaream Regiāmque Majestatem Principem & Dominum D. Nostrum Clementissimum humillima petitione Religiosi PP. vulgo Trinitarii, Redemptionis Captivorum hic Neo-Pragæ in loco propè Sacellum S. Lazari sito novum Conventum fundare.

Cum autem altissimè fata Sua Sacra, Cæsarea, Regiāque Majestas rem, & negotium hoc pro arbitramento ad Suam Reverendissimam Celsitudinem, D. Archi-Episcopum (Titulò) utpotè Ordinarium remiserit, jam dicta Sua Reverendissima Celsitudo verò, quatenus hac in parte alios præsertim Mendicantes Religiosos audiremus, nobis gratiofissimè demandare dignata sit.

Ea propter hoc ipsum Paternitati Vestre h̄isce communicamus, cum hac annexa intimatione, ut Paternitas Vestra cum suo Conventu (siquidem intentum hōcce monasterium Patrum Trinitariorum non nisi post lapsum multorum annorum exstrui potest) quæ ab eis requiritur, suam declarationem in modernis angustissimis temporibus non fundet, sed taliter se declaret, an in futuris temporibus melioribus cum iisdem Patribus Trinitariis suam subsistentiam & necessaria media se habituros confidant? quam declarationem dum in proximo a Paternitate Vestra in scriptis præstolaturi sumus, ità de reliquo eandem unà Nobiscum Divinæ tutelæ commendamus. Prague in Cancellaria Archi-Episcopali die 13. Junii an. 1704.

Reverendissimi ac Celsissimi S.R.Imp.Principis D. Joannis Josephi Archi-Episcopi Pragensis (tit.) Vicarius in Spiritualibus Generalis & Officialis, totūque Archi-Episcopale Consistorium Pragense.

D. J. Mair
V. G. & Officialis.

V. Circularis hæc Epistola, ut ad singulos cœnobiorum Præfectos pervenit, nonnullos eorum mentis sagacioris postrema clausula, seu exceptio nempe: *ut impræsentiarum ad temporum angustias non reflectant*, animò suspendit, quia eā haud obscurè Venerabilis Consistorii singulare erga nos studium innuebatur; ideoque non diu morati nostrum plenæ charitatis Institutum & Ordinem prolixè pariter commendaverunt, beatiora tempora præstolantes. Alii ex adverso nonnihil tergiversabantur, suaque five inopiâ, five pusillanimitate præoccupati querulabantur, accumulatō pauperum religiosorum numerō necessariam annonam indies angustiorem futuram. Sed quidquid illi obniterentur, quoniam numerum suffragantium non æquabant, spes nobis affulsit non modica

Regulares
plerique suffragari videntur.

cœptum

cœptum negotium intra paucos dies ad optatum exitum perducendi. Secus tamen evenit, re in multos menses protracta. Hinc cùm tantum animorum frigus sentiremus, facile divinare potuimus, præclara initia nostra haud diu substituta, sed ob volubilem hominum fidem certissimum periculum aditura. Unde ne obstinato propemodùm algore omnia marcescerent, opus fuit Cœstrem Majestatem denuò interpellare. Ergo rursus ante Augusta solium supplici libello prosternimur jacentem causam redanimati, idque tantò operæ pretiò, ut confestim ad Regiam Locumtenentiam alterum emanaverit sequens Decretum:

LEOPOLDUS.

Dilecti Fideles: vobis recenti adhuc constabit memoriam, qualiter de dato 21. Februarii presentis 1704. anni Patrum Trinitariorum Redemptionis captivorum pro Clementissimo consensu, quatenus in Regia urbe Nostra Neo-Praga in loco propè Sacellum S. Lazari sibi conventum fundare valeant, humillimam porrectam supplicationem vobis Clementissime remiserimus, unaque mandaverimus, ut desuper mentem Ordinarii Loci perciperetis, & quod ipsi videretur, Nobis iterum obsequentissime referretis.

Quia tamen defactò nullam Nobis ejusmodi a vobis factam informationem obvenisse, e contra verò prefatos Patres Trinitarios suæ pristine humillimæ supplicationi, juxta acclsumum constanter insistere noscimus, idcirco vobis hisce Clementissime mandatum volumus, ut petitam informationem maturare, & Nobis quantocv̄ ad nostram Regio-Bohemie Aulæ Cancellariam obedientissime transmittere non intermittatis; in quo adimplere noveritis Nostræ Clementissime Voluntatis Mandatum. Vienne 2. Septembris 1704.

VI. Ne verò prolixiore cunctatione hoc rursus eluderetur Decretum, Regia Locumtenentia aliud huic simile expedivit ad Magistratum Neo-Urbensem Decretum sequenti (ut ajunt) peremptoriō Mandatō.

Confuli & Senatui Regiae Civitatis Neo-Pragensis de Excellentissimorum Regiorum Dominorum Locumtenentium gratosò Mandatō communicandum & intimandum venit, si forte ex parte illorum in ordine ad presens quæsumus aliquid insinuandum foret? Illud cum restitutione communicatorum ad Regiam Locumtenentiam quantocv̄ referant, & quia Sua Majestas tenore presentis acclusi Clementissimi Rescripti rem acceleratam cupit, idcirco Consul & Senatus judicium tantò magis scient maturare.

Ex Consilio Regiae Cancellarie Bohemiae Prague
26. Septembris 1704.

Causa tamen protracta.

Alterum Cœfari Decretū urget negotiū.

Peremptoriō Mandatum.

1704.

C A P U T X.

*Negotium prætensionis Cœnobii Ordinis nostri Pra-
gæ sufflaminatur.*

Magistratus
aperte adver-
fatur.

I. R Etardabatur adhuc aliquantulum causa nostra apud Magistratum propter autumnales vacationes, quo tempore a gravioribus negotiis feriantur Tribunalia: res autem tanti momenti, cui plures jam adversari cœperant, longiore consultatione indigebat. Tandem die decima tertia mensis Novembbris in Neo-Urbensi Curia post acerrimam nostri petiti discussiōnem Magistratus de priore incontrariam abiit sententiam, quam his ferè verbis publicari curavit, videlicet Patres Trinitarios sub 18 & 22. mensis Januarii anni præsentis pro relinquendis sibi supradictis desertis locis supplicasse, ab se autem juxta allegata incertum responsum tulisse, negotiō ad exactiorem cum Senioribus Communitatis consultationem remissō, nihil minus cordi habendo, quām eorum petito annuere, aut ad finem hunc afferendum iisdem desideratum locum venditionis titulō cedere velle, cū juxta datæ resolutionis tenorem intra breve temporis spatium Senioribūs Communitatis ad ordinariam Consilii sessionem accersitis petitum dictorum Patrum uberius propositum, ac ponderosè examinatum fuit. Nempe

Propter ra-
tiones has,

I. Desideratas, & numerō contribuentium contentas desolatas domos ad commerciū benè fitas esse, & pro

II. Tempore pacis cum civitate communicaturis facile coëmi & restaurari posse. Quò

III. Non solum bonum publicum promoveretur, quia etiam vassallis ibi degentibus in contribuendo magnum exinde sublevamen resultaret, cū e contra

IV. Casu quo ille locus in personas Ecclesiasticas alienaretur, ab illo tanquam ad manus mortuas devolutō nihil unquam pro publicorum onerum civitatis subsidio sperandum foret: quapropter sententiam quasi in unum coaluisse, memoratas domos præviè affixā venditionis chartā gremiali civitatis commembro vendi debere; & ut res executioni citius mandaretur, unanimiter conclusum fuisse, deserta hæc loca sinè superfluo apparatu sumptibūs publicis reædificari, & ex post factō uni contribuentium venditionis titulō in possessionem mittere; eò etiam rem redactam fuisse, ut excitatō jam jam ad propositum eorum sat commodō mūrō causæ integræ amplius locus non sit. Non quidem abs re esse, Sue Majestati Cesareæ tanquam Regi & Hæreditario Domino Regni Bohemiæ ad altissimum placitum simul cum omnibus & singulis Communitatis appertinentiis jure Regio disponendis plenissimum Jus competere: interea tamen eandem

in

1704.

in Sue Majestatis innatam Clementiam spem suam humillimè collocare , fore , ut altissimè memorata Sua Majestas eadem , sicut a Suis Antecessoribus Romanis Imperatoribus & Regibus Bohemiae Glorioſiſſime Memoria Benigniſſime collata , confirmata , & Matriculæ Regie inserta Privilegia Clementiſſime conſideratura , & apud administrationem rerum communitatis vigore Privilegiorum ſibi competentium conservatura fit . Idcirco ſepè dictum Magiſtratum a Locumtenentia Regia flagitâſſe , refleſtere ut dignaretur , novam hanc intentam fundationem potiori ex parte privatum Religionis comodum , & quidem in futurum maximum omnium Pragenſium incolarum in exequenda eleemosyna præjudicium respicere . Ea propter juā in hoc negotio referendâ ſententiâ eò intendere , ut ſepè diēti Patres ab acquisitione poſſeſſionis loci ſupra memorati penitus arceantur , ii e contra in recenſito , & pro meliore contribuentium bono plenī votis concluſo proposito ſecundari , & in administratione Bonorum Communitatis conſervari queant .

C A P U T XI.

Celiffiſſimus Princeps Archi-Episcopus & Regia Locumtenentia Suīs per viam medium arbitriiſſis Ordini noſtro patrocinatur.

I. **A**D Sanctius ergo Tribunal cauſa noſtra eſt delata , ubi conſiſte , vel cadere debebat . Stetit autem , vel potiūs erecta fuit , aut certè in ſatis bono adhuc ſtatu pependit , non tam Celiffiſſimi Principis Archi-Episcopi Auſtoritate , quām ejusdem præponderantibūs rationibūs , dum ille ad Regiam Locumtenentiam inter extrema , mediā quaſi viā uſus , mentem ſuam ita aperuit :

Celiffiſſimi
Principis Archi-Episcopi
arbitriuſ.

Excellentiſſimi , Iuſtrifſimi , Periulluſtres , Generoſi Domini , Domini Honoratiſſimi .

Qualiter apud Suam Cæſaream , Regiāque Majestatem Noſtrum Clementiſſimum Dominum Patres Trinitarii Redemptionis captivo- rum propter Clementiſſimum Consenſum humillimè ſupplicando ſe inſi- nuaverint , ut in regia urbe Neo-Pragenſi Conventum in loco ad Sacellum S. Lazari ſito erigere ac fundare valeant , & qualiter Sua Cæſarea Regiāque Majestas hanc memoratorum Patrum humil- limam ſupplicationem , ſupra quam ut Nos , utpotè Loci Ordinarius , Noſtram mentem aperiremus , ſuis Excellentiis communicaverit , id Littera 9. Maji anni praefentis ad Nos ex Regia Cancellaria Pra- genſi unā cum allegatis miſſa patefecerunt Nobis integrè .

XXX

Nos

1704. Nos supra eandem Patrum Trinitariorum supplicationem humillimam adjuvante Confistorio Nostro, ac exigente Jure Canonico ante omnia in Pragenſi Tri-Urbe monasteria fundata jam sat copiosa, an, & quid ea, maximè Ordines Mendicantium meditatae introductioni Patrum Trinitariorum opponere haberent, ac posse, eorundem mentem perquisivimus, ac etiam percepimus: tum undecim monasteria Pragenſia ob causas sequentes; quod nimur in hac Tri-Urbe Ordines Mendicantes numerosi jam ante hoc, residui verò parcè fundati propter introductionem Patrum Trinitariorum deprecari intellexissemus.

Etsi omnibus constet abundè Regiam Tri-Urbem Pragenam Ordinibus Mendicantium multùm angustari, sacrāque eleemosynā hisce modernis bellicosis, ac egestati maximè expositis temporibus non ità largè iis posse succurri, quæ post introductionem plurium Mendicantium Ordinum in plures elargita omnibus & singulis non esset omnino sufficiens, attamen huic insufficientiae modò similè optimè posset obviari: si nimur Patres Trinitarii suis debitīs Reverſalib⁹ coram Nobis ad id se obligaverint, quod iidem non citius conventum formalem erigere velint, donec sufficienter fundati fuerint, quorum tamen aliqui tempore usque ad obtentam fundationem currente, qui hujatibus Mendicantibus tantoperè præjudiciosi non erunt, Neo-Pragæ in postulatum locum per modum Hospiti⁹ suscipi, & tam pro exigentia sua, quam pro captivorum Christianorum Redemptione, secundū suum tam sanctum, quam salutare ac pernecessarium miseris captiuis Institutum eleemosynas colligere poterunt, quæ collectio, sive illi in hoc Inlyto Regno sua gaudeant stabilitate ac domicilio, sive non gaudeant, tum intra, tum extra Tri-Urbem iisdem etiam faveri debet, cum pro eorum sustentatione aſsequenda id ipsum quoque militet, quod iidem Patres Trinitarii præter titulum gratitudinis gerentes suoque Instituto pio integrè satisfacientes illis ipsis captiuis, in quorum patria fundati sunt potius, quam alienigenis adjutrices manus suas porrigere, & uti optimè sperandum est, per illorum in hoc Inlytum Bohemia Regnum introductionem etiam ejusdem patriæ filii in dura Tartarorum Turcarumque captivitate detenti præ aliis hanc Trinitariorum misericordem manum experiri poterunt.

Quapropter Nos, ut ifte Sacer Ordo modò ante memoratō introducatur, in contrarium ire nequimus, imò eosdem Patres Trinitarios in Nostrum paternum finum lubenti animo suscipimus, scientes, ac sperantes, Divinam Bonitatem, dum suos famulos multiplicat, etiam

etiam eisdem annonam pro congrua illorum sustentatione suppeditaturam. Hæc Vestris Excellentiis, Nostrisque Dominis Honorandissimis breviter voluimus notificare, Quos Divinae Protectioni semper commendare solemus, Manentes.

1704.

Vestrarum Excellentiarum, Nostrorumque
Honorandorum Dominorum

Joannes Josephus
Archiepiscopus Pragensis.

Prage in Nostra Archi-Episcopali Residentia
die 29. Novembris 1704.

III. Hæc multò æquior Celsissimi Principis Archi-Episcopi de causa nostra sententia, cùm ad Regiam Locumtenentiam delata fuisset, magnum utrinque pondus habitura videbatur. Collatæ demum sunt sententiæ, libratæ opiniones, ac momenta omnia ultro citróque ad Pragmaticæ sanctionis Regulas discussa, & exenterata: formatum est indè Regiæ Locumtenentiæ tertium scrutinium unà cum cæteris ad Suam Sacram Cæsaream Regiāmque Majestatem humillimè dirigendum; & recensitō tam Celsissimi Principis Archi-Episcopi, quæm Urbici Magistratū arbitriō hæc tandem ex omnibus supra relatis Conclusio illata fuit:

Regia Lo-
cumtenentia
arbitrium.

Quod nimirum Pragenses incolæ præsentis temporis injuriâ mediis itâ destituti sint, ut eorum plurimis se unâ cum uxore ac liberis alendis, & præstandis, que præstare debent, vix media supersint; siquidem tres Regiæ civitates jamjam accumulatis Mendicantium Ordinibüs haud congruam tantis Religiosis eleemosynam suppeditare valent, minus autem suppeditare valebunt, casu quo introducto novo Ordine iste pietatis fons in plures rivulos deducendus foret. Ceterum quod præfatum propè Sacellum Divi Lazari in nova civitate Pragensi situm, & a Patribus Trinitariis desideratum locum concernit, abundè ex relatione Magistratū Neo-Pragensis supra alata constat, eundem nullatenus venditionem loci velle concedere.

Quamobrèm rebus sic stantibüs Regia Locumtenentia ad introductionem Patrum Trinitariorum consiliò concurrere meritò in suspenso est, ac suadere planè detrectat: Casu autem, quo sua Cæsarea Regiæ Majestas introductioni hujus Ordinis Clementissimè annuere velit, Regia Locumtenentia, salvò tamen altissimè memorata Suæ Majestatis prudentissimo judicio, demississimæ opinionis est:

Primò. Sæpè dictis Patribus, antequâm introducerentur, sedulò injungere velit, ut fundationem sustentationis, & pro quo Religiosis sita sufficiat, uberioris depromant.

1704.

Secundo. A Magistratu memorati loci propè S. Lazarum fundos municipales sub ordinaria licitatione coëmant, & tandem cum eodem super oneribus tam personalibus, quam realibus de exhibitione equivalentis alicujus transfigant.

Supra relata
ex Germano
in Latinum
idioma trans-
lata sunt arbi-
tria.

IV. Hæc Acta idiomate Germanico prodiere, quæ, ut nativus illis succus constaret, & rei veritas clariùs illucesceret, posthabitis elegantiorib[us] verbis simplici stylō in Latinam linguam transferenda putavi. Cætera verò, quæ ex jussu Clementissimi Imperatoris Nostrí LEOPOLDI I. consecuta sunt, cùm h[oc] annō non emanaverint, in sequentem tanquam proprium eorum locum differimus.

C A P U T XII.

Prævia dispositio ad nostram Fundationem Comaromensem in Hungaria obtinendam.

Gratia gra-
tiam parit.

Comaromi-
ensis Cœnobii
Fundator.
Episcopus Ni-
triensis,

I. Superū beneficiò ità comparatum esse videmus, ut virtus nunquam sola & sine comitatu ingrediatur mundi theatrum; reliktā enim procul invidiā, aut propè contemptā, Gratiarum contuberniō gaudet. Non raro beneficium unum alterius majoris est causa beneficii, pietas pietatem nutrit, & ut apud Græcos est in paroemiis: Gratia Gratiam parit.

II. Splendidissimæ illi Festivitati, Viennæ h[oc] annō ob institutam nostram Confraternitatem celebratæ, cuius superiùs mentionem fecimus, præter alios Excellentissimus & Reverendissimus Dominus Ladislaus Mattyásovskij Episcopus Nitriensis & incliti Regni Hungariæ Cancellarius interfuerat. Is Ordini nostro pridem additus, nunc verò recenti pietatis Spectaculo inflammatus, & Instituti nostri præstantiā illectus arctiore nos benevolentia complexus est. Neque tamen otiosus fuit amor ejus sed activus, cùm non ignoraret dilectionis probationem exhibitionem esse operis: distulit tamen, ut cumulatiū & majori fœnore tarditatem suæ beneficentiae compensaret, præsertim cùm eo tempore nihil in Hungaria stabiliri posse crederetur, quô irrequieta armorum tumultu omnia personabant, & haud obscuris indiciis ad proximam ruinam tendebant. Verūm ut fluxæ sunt res humanæ atque cogitationes de futuris s[ecundu]m inutiles, incertæque providentiæ, disponuit DEUS, ut cujusdam pro Ordine nostro cœnobii fundationem, non quidem ejus voluntati, sed facultatibus duntaxat commensam, in animo delinearet, pro qua plenam in cœlis mercedem reciperet; gratum enim Superis est quodcumque donum de bono corde profectum.

Egrotus de
rebus suis dis-
ponit.

III. H[oc] autem modō bonum ejus propositum in effectum prodixit: post aliquot menses a Festo Sanctissimæ TRINITATIS h[oc] annō elapsos ægriūs habere cœpit Præsul, & fatigente corpore jam senili graviorem morbum incurrit, in cujus molestiis

cum

1704.

cum adhibita medicorum opera nihil proficeret, animadvertisit Vir Summus sanitatem suam ex anticipi loco pendere. Optimum itaque factu putavit, ut cum anima sua rationem iniret, DEUM bonis operibus placaret, vasa colligeret, & Divinæ Voluntati in omnibus se resignaret. Nostri porrò intellecta ejus ægritudine illum officii causâ crebrius adibant, ut languentem inviserent, & spiritualibus alloquii consolarentur. Neque ille se difficilem exhibuit in iis admittendis, expositurus aliquando consilii sui rationem, quam hucusque silentio presserat. Sæpenumero ipse movebat sermonem, quærebâque, ut Patres moderno belli tempore se haberent in Hungaria? Quid de redimendis capti- vis nunc agitarent transitus impedientibus bellô civili, & intestini motibus? aliisque plura de facerrimo Redemptionis Instituto nostro (quod magnoperè semper commendabat) per otium sciscitabatur. Respondebant Patres, quod res erat, addebântque, Librum recenter typis prodivisso de captivorum Redemptione tractantem, quem etiam, cum ejus lectionem Sua Excellentia sibi gratam fore significasset, proxima occasione eidem attulerunt, tanta Eiscopi voluptate, ut inter acutos morbi dolores codicem a capite usque ad calcem pervolverit, & hoc condimento ægreditudinis suæ molestias edulcaverit.

IV. Cum sepius ad Indulgentissimum Præsulem officii memores redirent nostri, & ipse secreti sui consilii non immemor, quod nemini ante tempus volebat cognitum, de nova quadam Ordinis nostri fundatione cogitaret, tandem exeunte mense Septembris post domesticas rationes probè jam subductas tempus esse rebatur supremam voluntatem suam exequendi. Mittit igitur epheborum suorum de numero quendam, qui nunciaret P. Martino Commissario Generali, se habere, quod cum eodem conferret: veniret itaque, quamprimum id fieri posset. Venit Pater, rerum inscius, solùm tanto Præsuli obsequendi studiò datus. Post datam officiosa verborum civilitate mutuam salutem Præsul in hunc modum fari exorsus est: *Erluntne Patres contenti cum viginti florenorum Rbenensium millibus profundatione unius monasterii Vestri Ordinis in Hungaria?* Hac insperata quæstione P. Commissarius majorem in modum exhilaratus incunctanter repausit: *Excellentissime Domine Presul non solùm erimus contenti, verùm & contentissimi.* Mox intulit Præsul (juvat propria ejus verba referre, quæ etiam suis litteris per modum cessionis in vivis, die decima septima Octobris ad nos exaratis, ipse posteà inseruit) *Jam pridem banc piam intentionem erga Ordinem Sanctissimæ TRINITATIS in corde meo foveram, & quidem in eam fundationem quadraginta florenorum millia constitueram: sed novit Paternitas vestra in his seditionis motibus Regni nostri statum, ubi ego universa bona mea, & Episcopalia & patrimonialia & allodialia ob illibatè conservatam fidelitatem erga Augustissimam Domum Austriacam prorsus amiseram, & ex parata pecunia, quam piis fundationibus destinaveram, me cum familia mea a sedecim jam mensibus sustentare debui, ne proinde & residuam totaliter consumam, & conceptæ piæ fundationes in fumum*

Tyyy

abeant;

Visitatur a
nostris fre-
quenter.Liber de Re-
dempione
captivorum
tractans ei da-
tur.Mentem sua
exponit.Eius intentio
hoc scripto
explicatur.

1704. abeant; judicavi expediens fore, si residuam adbuc in paratis pecuniam alicui certo religioso loco elocem & concredam, qui vita mea comite consueto sex pro centum censu meis necessitatibus quotidianis subveniat. Et quia inter reliqua loca sacra occurrit mihi Ordo Sanctissimae TRINITATIS de Redemptione captivorum, & signanter Domus Viennensis, ob id eidem Sacro Ordini viginti mille florenos Rhenenses effectivè assignavi bis sub annexis conditionibus. Primo, ut eandem sumam ad securum locum elocet, ex quo censum consuetum bis quotannis mibi subministret, habiturus pro fatigio condignam discretionem. Secundo, si me in hac vita, vel maxime longissima mea in indispositione fatis cedere contigerit, ea Summa ipso factò cedat eidem Sacro Ordini, ea tamen sub expressa conditione, ut Budæ, vel alio in loco Hungariae Cœnobium erigat pro suis Religiosis, & pro peccatrice anima mea Sacra celebrent, & orationes ad DEUM fundant. Haec tenus Praesul Pientissimus, fermè locutus, mentem suam explicuit, & eadem prorsus verba scripto schediasmati inseruit, quod Patri Commissario Generali ad manus tradidit custodiendum.

Gratiae agnatur, & voluntati ejus satisfit.

Tradit pecuniam Fundationis.

Quod plus inventum restituitur.

Fundatio inferitur testamento tabulis.

V. Illis auditis P. Commissarius Generalis Excellentissimo Episcopo debitas gratias persolvit, & suas suorumque preces ac sacrificia pro ejusdem incolumitate obtulit. Neque diu cunctatus Pater, locum protinus circumspicere coepit, in quo dicta pecunia ad censem securè deponi posset. Cum apud diversos id tentasset nullo successu, tandem Viennæ apud Status Provinciae inferioris Austræ commodissimum, atque tutissimum locum invenit, ubi pecunia recepta, & accurata solutio ad singulos sex menses promissa fuit. Continuò Pater Praesulem Fundatorem de hac occasione reperta edocuit, qui eandem majorem in modum laudavit, & approbavit. Trigesima itaque die mensis Septembris iterum accersito Patri Commissario Generali arcam cum clavi tradidit, in qua viginti florenorum millia asservabantur; monito tamen prius eodem Patre, ut pecuniam sollicitè numeraret, & si quid fortassis deesset, id sibi actutum renunciaret, pollicitus, ab se confessum defectum redintegratum iri. Numerata pecunia ducenti viginti tres floreni constitutam summam superasse reperti sunt, quos Pater absque mora Excellentissimo Praesuli restituit, hoc factum impensè admiranti, & incorruptam religiosi viri integritatem grandibus encomiis extollenti.

VI. His aliisque ritè confessis Excellentissimus Praesul cum inevitabilis necessitatis horam mature antevertere cogitaret, quatenus tanto majus deinceps otium nanciseretur, quo a terrenis curis expeditus piis meditationibus se ad instantem transitum preparare posset, Testamenti, seu ultimæ voluntatis tabulas ex indulto Apostolico legitimè condidit, ubi numerò XII. priorem dispositionem suam sequentibus verbis confirmavit: In eundem similiter finem alias viginti mille florenos assignavi Reverendis Patribus Trinitariis Viennensis (ut patet ex eorum litteris recognitionibus) quatenus & ipsi mibi solitum censem sex per centum vita mea durante administrent, post mortem vero meam dicta summa iisdem pro erigendo certo conventu Budæ, vel alio in loco in Hungaria cederet. Ut proinde bæc quoque dispositio mea locum habeat, onero conscientias dictorum Patrum Trinitariorum, si dispositioni buic meæ satisfactum non fuerit, ac pro peccatrice anima mea DEUM non oraverint.

CA-

C A P U T XIII.

*Imago Beatisimæ Virginis MARIE, de Betlehem
dicta, aliquamdiu absens in nostram Ecclesiam Viennensem
reponitur, & impetratum simul sanitatis beneficium
reconfetur.*

1705.

I. **A** nnō Christianæ Salutis millesimō septingentesimō quinto Cæsareis Aquilis omnem ferè Europam vietrici cursu pervagantibus licuit tandem Viennensis a concepto pavore respirare & securius degere. Hac de causa domus nostræ supellestilia, quæ ad urbem misimus, sub hujus anni principio in cœnobium revocata suis locis reddidimus. Hæc inter censebatur Devotissima Virginis DEIPARÆ Imago cognomento de Betlehem, ante decennium ferè in nostro Templo fidelium devotione culta, atque ob impetratam a morbis sanitatem in paucis nota, ut picta aliquot anthemata, & alia argentea dona, ejus tholis appensa, testantur. Hanc autem sacram imaginem ex supra voluntate adscriptit Ecclesiæ nostræ Domina Theresia Sanchez morum Institutrix Filiarum Principis Fundorum & Mansfeldæ. Obiit illa die vigesima Novembris superioris sæculi annō nonagesimō quinto, & in nostra Ecclesia sepulta eandem sacram imaginem cum aliqua dote secum deferri jussit, atque publicæ fidelium venerationi ibidem exponi desideravit.

II. Sed cùm hæc sacra imago decem ferè mensibus ob circumvolitantum & in urbis vicinia grassantium hostium timorem a sua fede abfuisset; demum quartâ Januarii, quæ hòc annō in diem Dominicam inciderat, suo altari ante sacrum, inter musicos concentus solemniter decantatum, magna confluentis populi approbatione ac voluptate restituta fuit. Hòc signo sublevato pollicebantur sibi plerique pacatoria tempora, dum *Stella maris* gratiarum fulgores cospit exerere, quos licet singillatim recensere minimè constituerim, ut tamen ingratæ mentis notam effugiam, impetrare a me non possum, quin saltè illud beneficium impresentiarum recenseam, quod, ut omnes tunc Religiosi nostri videbunt, & noverunt, mihi quantumvis indigno & immerito collatum fuit. Referam itaque ad Divæ Virginis honorem, quod taceri sine piaculo nequit: Eadem die quarta Januarii post meridiem ante horam primam, Ecclesiæ foribüs jam obseratis, cùm nemo exterorum adesset, aliquot nostrum accesseramus ad ejusdem DEIPARÆ Virginis aram, ibidemque in genua provoluti affectu filiali salutavimus Gratiissimam Hospitem, Matrem & Patronam nostram, post longa desideria ad sedem suam reversam. Cæteros inter & ego quoque, qui hæc scribo, me reliquis comitem adjunxi, & licet diurna quartana febris sævitie afflictus fuisset, cum aliis tamen ante thronum cœlestis Reginæ procubui, & Clementissimam DEI Matrem supplici prece rogavi, ut me a morbo, mediorum artem tam diu eludente, liberare dignaretur. Persolutis sincero corde precibus spe firma & interiore solatio delibutus ab

X y y y 2

Mitiora re-
deunt tempo-
ra.

Domum re-
ducuntur, que
in urbe culto-
diebantur.
Cum B. V.
MARIE ima-
gine.

Donatrix ejus

Solemnis sacra
colitur.

Autor a febri
quartana libe-
ratur.

ejus

1705.

ejus ara recessi : erat autem dies illa mihi , ut vocant , critica ob febrim post tres horas ab oratione facta redituram ; sed neque die illa , neque sequentibus me paroxysmus ullus tentaverat : unde perspicue notavi , me luculentâ gratiâ a morbo liberatum fuisse , & præpotente DEIPARÆ Virginis patrociniô sanitatem recuperâsse , cui eam unicè in acceptis retuli , firmissimè persuasus , hoc beneficium mihi nonnisi peculari prodigiò obtigisse . Divæ igitur Sospitatrici meæ , ut quoquô modô gratum me exhiberem , in Ejus laudem paucos depanxi versiculos , & secundùm aram appendi , qui postmodum typis etiam prodiere , atque in plurimum venerunt oculos , gratiæ illius testes . Reductionis autem hoc festum quotannis Dominicâ primâ Januarii solemnî sacrô inter musicos concentus hucusque celebratur .

Solemnis Sa-
crae quotan-
dis.

C A P U T X I V .

*In Viennensi Cœnobio nostro Bibliotheca instituitur.*Bibliotheca
vetus mona-
steriorum in-
stitutum.Bibliotheca-
nius eligitur.P. Martini
adjumenta.Libri bonitate
præstant non
multitudine.Librorum
numerus.

I. E òdem año ad studentium utilitatem pulcherrimum Majoribus nostris in mentem venit consilium , vel potius desiderium , videlicet , in nostro Cœnobia Viennensi pro veteri omnium ferè monasteriorum instituto Bibliothecam aliquam , sive librariam supplectilem comparandi ; pauculi siquidem hucusque nobiscum habitaverant codices , atque adeò sæpius necesse fuit volumina non sìne gravi temporis dispendio & claustralib solitudinis violatione conquirere , aut mutuare , quamvis non semel ludificata spe nostra hunc laborem frustra subiérimus . Quamobrèm ut hujuscemodi incommoda stirpitùs imposterùm tollerentur , necessarium duximus aliquid moliri , quô perniciose huic inopie occurreremus . Die itaque vigesima tertia Martii in communi regularis disciplinæ lustratione uni nostrum Bibliophilo hæc operosa provincia demandata fuit , qui paucos illos tunc in cœnobia repertos libros separato in loco sub clavi custodiret , & Bibliothecæ augmento imposterùm pro viribus studeret . Id ipsum alii privatis industriis conati sunt , & ut de cæteris taceam , laudanda fuit hic imprimis solicitude P. Martini ab Ascensione , tunc temporis Commissarii Generalis , viri in bonis litteris toto vitæ tempore enutriti , qui præstantiorum Theologorum sibi pridem notitiam paraverat , & sumptus non modicos ad hunc finem destinaverat , ut boni , & religiosorum studiis necessarii compararentur Auctores ; in quibus tamen nolebat spectari multitudinem , sed præstantiam & bonitatem librorum , satis nimirùm gnarus , in his solis Bibliothecæ perfectionem consistere .

II. Crevit sensim inter triginta & aliquot annos hæc nostra Bibliotheca , ut numerô librorum septem millia facile exuperet , & quotidianis etiamnum incrementis accrescat . Nihil hic desideratur , quidquid ad quamcunque facultatem vel scientiam expeti valet ; nam præter multiplices rarosque diversorum Bibliorum codices tenet omnes Sanctos Patres , veteres atque recentiores

Theo-

Theologos, sacrarumque Litterarum Interpretes, Juris utriusque Commentatores, item Philosophos, & quidquid ad Asceticam, vel Ecclesiasticam Historiam pertinet: nec desunt politioris litteraturæ cum notis variorum Scriptores; ut siue bonæ notæ Manuscripta, atque alia tum antiquitate, tum raritate ex eruditorum judicio prorsus singularia volumina; in quibus nunc consistit pretiosior nostri Cœnobii supellex multo labore ac sumptu, nec minore felicitate collecta.

1705.

III. Hanc unicè suspicimus tanquam nostræ militiæ armamentarium, veritatis promptuarium, solitudinis solatum, pietatis fomentum, otii negotium, & medicam animorum officinam. Libet hic ad Bibliophilorum solatum & simul incitamentum Bessarionis Cardinalis Tusculani de suis libris adscribere sententiam, qui in epistola Viterbii anno 1469. IV. nonas Maji ad Senatum Venetum data, quâ Basilicam S. Marci suæ Bibliothecæ hæredem instituit, ità locutus est: *Nullam magis dignam atque præclaram supellectilem, nullum meliorem præstantioremque thesaurum mibi posse parare existimabam. Vocibus pleni, pleni antiquitatis exemplis, pleni moribus, pleni legibus, pleni religione vivunt, conversantur, loquunturque nobiscum. Docent nos, instituunt, consolantur, r̄sque a memoria nostra remotissimas, quasi præsentes nobis exhibent, & ante oculos ponunt. Tanta est eorum potestas, tanta dignitas, tanta Majestas, tantum denique Numen, ut nisi libri forent, rudes omnes essemus, atque indocti: nullum ferè præteritarum rerum memoriam, nullum exemplum, nullam denique nec humanarum, nec divinarum rerum cognitionem haberemus.* Hæc Bessarion Cardinalis.

Eorundem
Commendatio
ex Bessarionis
Cardinalis
sententia.

C A P U T XV.

*Pragensis Cœnobii urgetur Fundatio: impetratur
ibidem pro tempore Hospitium, & proximè futura
Redemptio ad impetranda subsidia per Bohemiam Metropoli-
tanæ Auctoritate promulgatur.*

I. **M**editata Cœnobii Pragensis Fundatio, negotium profectò non parvi moliminis, cui feliciter consumando sicut totis nunc viribus incubuimus, ità invincibilis propè difficultates superare debuimus. Sed quidquid egissemus, ad extremum tamen naufragia spes nostra in syrtes impegisset, nisi lapsantem causam nostram LEOPOLDUS Imperator Augusta sua potestate sustentasset, ac justissimò suò imperiò nobis asseruisset, quod nullis precebus impetrare potuimus, adversantibus jam indies pluribus & inutilem conatum nostrum tacite non solum, sed & in conventiculis irridentibus. Prævaluere tamen rationes a Celsissimo Principe Archi-Episcopo in nostrum favorem allegatæ, quibus Regiae Locumtenentiae Rescriptum ex parte suffragari videbatur. Cætera porro argumenta quæ majore ex parte in perpetuis quiritationibus consistebant, debiliora esse censebat cum sapientiore Nobilitate Sapientissimus Imperator, quam ut propter talia non

Arch-Episcopi & Locum-
tenentiae arbitrii
sequitur
Imperatore.

Zzzz

admo-

1705. admodum urgentia momenta nobis stabile domicilium Pragæ negaretur. Itum est igitur in sanctiorem sententiam sequenti Decretō ad Regian Locumtenentiam expeditō.

LEOPOLDUS.

Decretum
Imperatoris.

Dilecti Fideles : Postquam a vobis humillimè presentatum fuit, quod super Patrum Trinitariorum Redemptionis captivorum pro Fundatione exorata cessione deserti loci illius, propè Sacellum Divi Lazari in Civitate nova Pragensi siti, requisitò a vobis desuper tam Ordinario Loci, quam Magistratu civico sub 10. Decembris anni proximè elapsi demissè prescriptis, Clementissimè resolvimus, & statuimus, ut memorati Patres Trinitarii in dicta nova civitate Pragensi in p̄fatum desertum locum ad Sacellum Divi Lazari assumantur, & ab initio ibidem per modum Hospitii, usque dum formalem conventum fundare possint, commorari, & secundùm Sanctum ipsorum Institutum vivere, dein verò prævia debita licitatione cum Magistratu & Communitate super hoc deserto fundo tam quod ad onera personalia, quam realia cum exhibitione equivalentis pacisci posse eisdem concedatur ; quamobrem Clementissimam nostram Resolutionem non solum vobis, sed etiam omnibus illis, quorum hoc scire interest, pro notitia Benignissimè significare voluimus Viennæ 2. Maii 1705.

Ad alium lo-
sum nos con-
vertimus pro-
pter opposi-
tiones.

MatrisDole-
roſe Sacellum
cum habita-
tionis domo.

II. Clementissimò hōc Cæsaris Decretō planè confectum esse negotium arbitrabamur, verū id spe meliore, quam successu, nam circa facellum S. Lazari continuo aliae atque aliæ velut ex equo Trojano subnatæ sunt difficultates nonnisi ingenti sumptu & longissimi temporis jaēturā evincendæ. Hæc oppositio necessitatem nobis peperit non admodum ambiendi locum illum, tot difficultatum involucris intricatum, sed oculos ad alium convertendi, in quo tantisper pedem figeremus, donec fortuna magis propitia nobis aspiraret. Erat Neo-Pragæ in remotore urbis loco ad rivulum Botitz (cujus omnis utrinque ora veteri Bohema lingua in Slup sive, ut Latinè id proferam, ad Columnas nominatur) Sacra quædam ædicula in honorem Matris Dolorosæ cum modica habitatione constructa, quam olim emeriti & seniō gravati Presbyteri incoluerant, sed eandem ob tædiosam loci solitudinem rursus deseruerant, domiciliò cum fundationis censu ad magnum Archi-Episcopale Collegium, quod Aula Regia nuncupatur, translatō, ut ibidem mōrum gravitate, & virtutum splendore, longique temporis experientiâ junioribus alumnis præluerent, a quo tempore locus ille usque ad nostrum adventum desertus remansit. Nunc eum post nos obtinent sorores S. Elisabethæ, infirmis mulieribus ministrantes. Hanc itaque stationem P. Joannes sibi suisque precariò incolendam a Celsissimo Princepe poposcit ; qui ut nobis medullitus favebat, propensissimè annuit,

annuit, eandemque possessionem, si nostris desideriis arrideret, se nobis in proprietatem collaturum promisit. Cùm verò Pater id minimè intenderet spe meliorem locum cum tempore impetrandi, jussit tamen locum interim nobis tradi pro libero atque gratuito incolatu, & Reverendissimo ac illustrissimo Domino Danieli Mair Episcopo Tyberiadis, suo in spiritualibus Vicario Generali & Officiali, postea quoque ob insignia merita ad Archi-Episcopatum Pragensem electo, in mandatis dedit, ut nos eò solemniter introduceret.

1705.

Illud nobis
promittitur.

III. Quarto igitur, & vigesimō die Sextilis, in festo nimirūm S. Bartholomaei Apostoli, P. Joannes Reverendissimo & illustrissimo Domino Generali Magistro Sacri & Militaris Ordinis Crucigerorum cum rubea Stella pro liberali ad pedem Pontis hospitio, haec tenus concesso, gratias quām officiosissimè persolvit: Ille verò gratum hospitem reciprocè constanti prosecutus affectu suam eidem ulterius obtulit operam, & ut vetera novis cumularet beneficiis, simūlque amorem, quo ordinem nostrum complectebatur, testatum faceret, novum illud domicilium, quod ex Archi-Episcopi permisso incolendum suscepimus, copiosā in multos dies annonā liberaliter instruxit. His ita transactis publica introduc̄tio ad dictum Sacellum & domum inter consuetas cæremonias illico successit, absque ulla quidem majoris ostentationis pompa, non tamen absque honorifico exterorum concursu, qui hunc aētum suā præsentia decorarunt, e quorum etiam numero fuit Reverendissimus Abbas Emautinus Antonius Ordinis S. Benedicti, qui de novis vicinis sibi gratulatus primum Missæ Sacrificium ibidem celebravit. Comparuerunt quoque Neo-Pragensis Urbis Consul & aliquot ex Senatoribus pium in nos affectum testantes.

IV. Precariō interim Domiciliō obtentō Celsissimus Princeps Archi-Episcopus in menses singulos de suis bonis certam nobis constituit eleemosynam, insuper & Redemptioni captivorum utiliter providere studuit. Innotuerat ei P. Josephum a sanctissimo Sacramento Redemptorem novam moliri Redemptionem juxta solenne Ordinis nostri Institutum, quod ille tam pium propositum, ut suā quoque industria secundaret, precibūs ejusdem P. Joannis exoratus ad singulos Archi-Dioecesis Vicarios rurales & Parochios per Reverendissimum Conſistorium suum Litteras jussit exarari tenoris sequentis:

Reverendiss.
Generali Ma-
gistro Crucig-
erorum gra-
tiae persolvan-
tur pro Hospi-
tio & benefi-
ciis.Annonam
nobis provi-
det.Introductio
ad novum ho-
spitium.Primum Sa-
crum.Redemptionis
captivorum
ab Archi-Epi-
scopo provi-
detur.

Venerabilis ac Eximie, Nobis Dilecte.

Notum fit vobis, quod Reverendus & Religiosus P. Joannes a Cruce Ordinis Sanctissime TRINITATIS Redemptionis captivorum Procurator Generalis hic Neo-Pragæ propè rivulum Botitz, vulgo in Slup ad Matrem Dolorosam pro interim degens Nobis reverenter exposuerit, qualiter Religiosus P. Josephus a Sanctissimo Sacramento ejusdem Sacri Ordinis Sacerdos ac Captivorum Redemptor vice jam* tertia ad Gentes paganorum pro captiuis ex tyrannica

Secunda.

1705. servitute liberandis Christicolis intra breve tempus, & quidem post aliquot septimanas sit prefecturus, Nobis tam suo, quam totius Sacri Ordinis nomine humiliter supplicando, ut quandoquidem pro ejusmodi liberatione magna media pecuniaria requirantur, per hanc Archi-Dioecesim Pragensem ubique locorum certior fiat promulgatio, quatenus piis eleemosynis ex amore proximi, & ex Christiana compassione prærecensitis captivis pro cuiusvis facultate & libitu charitativò aliquò subsidiò subveniatur, Nos zelò miserabilium ejusmodi captivorum commoti harum serie, idque de præscitu & gratiofissima voluntate Sue Reverendissimæ Celsitudinis Domini D. Archi-Episcopæ (titulus) vobis mandamus, ut quamprimum praesentes Nostræ ad manus vestras pervenerint, adjuncta iis exemplaria impressa, non tantum per Parochias, sed etiam monasteria tractus vestri quantum distribuatis, & tam vos, quam subordinati vobis Curatæ miserabilem statum sub jugo tyrannico degentium captivorum iteratis vicibus Auditoribus efficaciter & nervosè exponatis, eosdemque ad largam eleemosynam pro pio hocce opere, & inastimabili charitate applicandam adhortemini. Collectam autem hujusmodi eleemosynam quilibet Curatorum, adjectâ etiam suâ in Vicariatus officio deponet. Vos vero eandem hic Pragam ad Cancellariam Archi-Episcopalem Jacobo Josepho FAVORICZKI Dacii Salis Ecclesiastici jurato Cassario contra opportunam quietantiam, soluta prius exinde Tabulario mercede, una cum nominibus illorum, si quos Regni hujus incolæ consanguineos, cognatos aut patriotas sub jugo gentis barbare etiam nunc gementes habent, deponi facietis; facturi in hoc opus Christianæ Charitatis plenum, & Nostræ voluntatis satis. Praga in Cancellaria Archi-Episcopali die 10. Decembris Anno 1705.

Reverendissimi ac Celsissimi S. R. Imp. Principis Domini D. Joannis Josephi Archi-Episcopi Pragensis (titulus) Vicarius in Spiritualibus Generalis, & Officialis, totumque Archi-Episcopale Consistorium Pragense

D. J. Majer
V. G. & Officialis.

V. His Litteris adjectum fuit impressum folium in omnibus Ecclesiarum valvis pro cunctorum notitia affigendum, quod eandem promulgationem triplici ejus Regni lingua Latinâ nimis, Germanica & Bohemica expressam continebat. Nec mora! celeriter per universam Archi-Dioecesim mandata deferuntur, & publicantur; quam diligentia factum fuit, ut Ordinis nomen & Institutum, hactenus parum cognitum, veluti luce meridiana illustra-

Redemptionis
promulgatio-
ne Ordo ma-
gis innotescit.

illustratum singulis, etiam rudibus, innotesceret, ipsaque rei no-
vitas atque necessitas per omnia pulpita & fora celebrata animos
opulentiorum ad conferenda subsidia alliceret, qui ad opus DEO
gratum & hominibus adeò salutare largam stipem contulerunt, ut
tantò plures patriæ municipes e Turcarum servitute eximerentur.

1705.

C A P U T XVI.

Lugendus LEOPOLDI MAGNI Romanorum

*Imperatoris obitus; & ejus in Ordinem nostrum
collata beneficia commemorantur.*

I. IN communi bonorum omnium luctu, quem hōc annō Au-
gustissimi LEOPOLDI, hujus nominis PRIMI, Imperato-
ris obitus toti Germaniae induxit, gratitudinis officium nos com-
monefacit gloriosos ejus venerari cineres, & obtuso etiam tenui-
que nostrō calamō parentare tanto Monarchē, qui ob rerum ge-
storum magnitudinem & multitudinem agnomentum MAGNI, &
ob inculpatam vitæ integratatem, virtutésque Christiano Prin-
cipe dignas a plerisque etiam titulum SANCTI obtinuit. Debe-
tur sane honos iste Munificentissimo plantationis nostræ Crea-
tori, Proto-Parenti & Fundatori.

Luctus in ob-
itu Cæsaris.

Nec mihi si centum DEUS ora sonantia linguis,

Ingeniumque capax, totumque Helicona dedisset,

Id pro dignitate, pro munere ac merito exequi valerem; exce-
dunt siquidem tot pulcherrima beneficia Tullianam facundiam, &
omnem dicendi facultatem exsuperant tanta nomina meritorum.

II. Tam Sacri Capitis in urnam funebrem, eheu! depositio
devinctos profectò nos, si unquam alias, maximè prostravit,
afflixítque cordis mōrōre acerbissimo. Terruit primū, velut
ante fulmen fulguris coruscatio, pias mentes, cùm vigesima sex-
ta die mensis Aprilis Cæsaris labascens valetudo Medicorum a-
cueret sollicitudinem; vix namque tristis hujus nuncii fama per-
crebuit, dum quasi in discrimine communis Parentis actutum om-
nia de cœlo terrāque advocata sunt sive remedia, sive suffragia.
Indictis ad præcipuam S. Stephani Proto-Martyris Urbis Basili-
cam quadraginta horarum precibūs prorogandæ vitæ, atque re-
cuperandæ sanitatis gratia Clerus & populus, Magistratus omnes,
& Ordines in vota sua cœlum fatigavēre. Spem inter & metum
omnes universim anxios tenebat Chari Principis desiderium, ne-
cessitásque, ideóque ad omnes aras supplicatum fuit quám ar-
dentissimè. Postremò ingravescente periculo Cæsaris cubili sunt
illata Sacratoria quæque cimelia: CHRISTI nimirum passi san-
guis, Spina de vulnifica Sacri Capitis Corona, & Clavus, quō
Cruci suffixus fuerat mundi Salvator, aliáque Sanctorum Lipsa-
na, aurō gemisque pretiosa, in Cæsarum Hierophilacio reveren-
ter asservari solita. Insuper, & Reliquæ Venerabilis N. P. Tho-
mæ a Virgine, quarum efficaciam in levandis somni difficultatibus

Eius aegritude

Preces pro
Cæsaris salu-
te.Sacra Lipsana
afferuntur.

A a a a a

effectus

1705. effectus non semel probaverat, pariter mutuò acceptæ, & imperiali Conclavi illatæ fuerunt.

Cæsar obit. III. Verùm terrā, cœlōque pro tanti Principis anima certantibus de quinta Maji victoria tandem cœlo cessit, qua die tertio quadrante ante horam quartam a meridie omnibus Christiano more receptis Ecclesiæ Sacramentis, & ritè dispositis universis MAGNUS LEOPOLDUS velut Sol, in ipso occasu major, inter pias complorantis Augustissimæ Familiæ lacrymas placidissimè ad beatæ vitæ immortalitatem transivit, aquâ circa pectus intercute extinctus, meliore ejus parte, animâ, supernis (ut piè credimus) illatâ sedibus, & inenarrabili sui in terris relictâ desideriô. Vixit cum nunquam intermoritura gloria annos sexaginta quatuor, menses decem, dies sex & viginti: Romanum Imperium Clementissimè moderatus per annos septem & quadraginta; duobus solum Imperatoribus Antecessoribus rarò exemplô suppar, Augusto nimirum Primo Cæsari, Romani Imperii Conditori, qui imperaverat annis quinquaginta sex, licet, si a pugna Aetiacâ ætas ejus, ut a multis fieri solet, computetur, solummodò anni quadraginta tres prodeant; & Friderico III. ex eadem Austriaca Domina Imperatori, qui annis quinquaginta tribus ad clavum sedic Romanæ Reipublicæ. Sacram verò Regni Hungariæ Coronam Noster LEOPOLDUS inter multas & varias vicissitudines tenuit annis quinquaginta, & Bohemiæ ferè totidem, unō videlicet minus anno.

Varia omnia mortem ejus præcedunt, & sequuntur. IV. Mortem adeò sensibilem varia præcessere & subsecuta sunt gravis mœroris omnia, passim ubique jam nota & divulgata; nam Aquila Belfontana, Serenissimi Filii Regis JOSEPHI, diebus præcedaneis ovum pepererat, a vetusta experientia & antiqua observatione nunquam non ominosum, quod & idem nunc sinistri aliquid portendere videbatur. Illud autem in irrationalibus animalibus multò mirabilius fuit, quod natu major Aquila, ex iis, quæ in palatio tanquam viva Romani Imperii insignia & symboala aluntur, post meridiem ab hora tertia usque ad quartam toto tempore, quo Cæsar in agone cum morte luctatus est, in area expansis alis humi procubuerit, altera verò ab aula morientis Cæsaris ad palatum Serenissimi JOSEPHI Filii Regis super mœnia transvolaverit, quin ullo conatu ad suam priorem stationem repellere potuisset. Sol præterea, qui eadem die per intervalla in nostro horizonte subobscurusculus meare notabatur, Orbi Christiano imminentem luctum prognosticabat. Huc etiam referunt quidam terræ motum, aut potius tremorem, quod Neapolis Austriae concussa fuit. Sequens tamen eventus Cæsaris Funus certius propiusque præfigire putabatur: in interiore nempe Imperatoris conclavi Eberstorffianæ arcis, pridem ob circumcursantium hostium motus non recluso, ignotæ manus charactere parieti legebatur inscriptum: 1705. Amen. Porro Viennæ omnes Cæsareorum horologiorum rotæ gravioris infirmitatis tempore, ne suo pulsu laquentis Principis quietem turbarent, per aliquot dies sufflaminatae, in morientis Cæsaris cubili post tertiam horam

horam tertium quadrantem non sinè admiratione suo sonitu expresserunt, in quem temporis articulum inciderat obitus Augusti, ut præter alios plurimos Princeps Mansfeldius notavit, qui sub idem tempus aderat testis oculatus. Neque minùs observatu dignum est in Cæsar's morte, quod numerus V.^{mo} toties convenit; decessit namque anno hujus sœculi V.^o Mense hujus anni V.^o, die mensis V^o, atque ætatis suæ anno LXV^o.

1705.

V. Magna hæc fuerunt in excessu tanti Principis ostenta, qui per omnem vitam suam & nomine & factis MAGNUS erat. Merito quidem LEOPOLDUS MAGNI cognomentum ab INNOCENTII XI. Summi Pontificis oraculo jam pridem indeptus consensu omnium populorum sibi proprium afferuit, qui gestorum præstantiâ & virtutum magnitudine maxima quævis nomina aut æquabat, aut superabat. Erat enim verò Magnus Consiliô, Magnus Industriâ, Magnus ingeniô, Magnus pietate, Magnus prudentiâ, Magnus justitiâ, Magnus vitae Sanctimoniâ, Magnus in propaganda gloria DEI, Magnus in stabilienda Religione Catholica, Magnus in Superum cultu, Magnus in oppressorum defensione, Magnus in morum integritate, Magnus in litterarum eruditione, Magnus in conciliandis foederibus, Magnus in debellandis hostibus, Magnus in victoriis, Magnus in bello, Magnus in pace, Magnus in structura publicorum ædificiorum, Magnus in quibuscumque operibus suis. Omnia, quæ dixit, scripsit, fecit & cogitavit, non fuere nisi Magna; quod nec ipsi etiam hostes ejus, tanta namque est vis veritatis, unquam diffiteri sunt ausi.

Omnia Magna
in Cæsare.

VI. Quot tituli, tot magna volumina implenda forent, si quis pro dignitate ea litteris exequi vellet, quæ promeritus est LEOPOLDUS MAGNUS: id equidem multi prægrandibus librîs præstiterunt, qui tanti Principis res gestas cultò satî & elimatò stylò ad posteritatem transmiserunt, quamvis nemo satî eas pro meritis celebraverit. Nos ne in fœcundissima materia Lectorem prorsus jejunum dimittamus, neque tamen institutæ brevitatis limites transfiliamus, ea solummodò hic beneficia referemus, quæ tantus Monarcha Ordini nostro contulit, quibuscumq[ue] æviternam gratitudinem nostram jure promeruit.

Cæsaris fama
latissimè pro-
pagata.

VII. Religiosissimo huic Cæsari antiquissimum semper fuit omnes Sacerdotes, præcipue tamen Regularium Ordinum alumnos non solum observantissimè revereri, & in eorum occursu (magna sanè dignatio, quæ plurimi confunduntur, qui superbiæ typho inflati religiosas personas contemnunt) Imperiale Caput officiò aperire, verum etiam quibuscumque posset beneficiis fovere, augere ac protegere: quamvis autem omnes promiscuè tantæ pietatis affectu complectentur, peculiari tamen quadam propensione Ordinem nostrum excoluit, cuius Institutum, Redemptio nimis captivorum, quô hactenus in suis amplissimis ditionibus caruerat, cum ei impediò probaretur, nihil non egit, ut opus tam utile ac necessarium Provinciis suis implantaret, illudque in sua Viennensi Metropoli stabilitum subinde pro temporis opportunitate in alias urbes derivaret, oppidò semper lætari solitus,

Ordinis nostri
Summus Be-
nefactor.

Aaaa 2

quando

Pro construc-
enda nostra
Ecclesia Wien-
ensi fundum
donat.

1705. quando Majestatis Suæ Auctoritate adversantes nobis difficultatum procellas compresserat, ut tunc non tam nobis, quam si bimetipſi assertam malaciam gratulari videretur. Et ille quidem hunc Suum erga Ordinem nostrum affectum multò plurib⁹ argumentis declarāſſet, si perpetuæ bellorum tempestates ejus ærarium non ita exhausiſſent: Fundum tamen ipſe nobis ampliſſimum pro conſtruenda Viennensi noſtra Ecclesia liberaliter donavit, in quo & Coenobii pars maxima conſiſtit. Primum Fundamentalem Lapidem pro eadem Ecclesia Augustā Dextera pone re ipſe dignatus est, & ut opus affurget celerius, ſubſidia non contemnenda ſuppeditavit.

*Primum fun-
damentalem
Lapidem pro
eadem ponit.*

*Subſidia pro-
curat.*

*Frequens ad
nos accedius.*

*Officia SS. PP.
NN. ut Brevia-
rio inferen-
tur, obtinuit.*

Aliorum etiam culpis in noſtrum ſubſidium conversis, quando delictum cujusdam viri nobilis, quod mortis poenam merebatur, mulctā pecuniariā punivit, quam nobis deinde exaffe transcripſit. Ut jam non referam, quoties ipſe ædificatā poſtmodū Ecclesiā Sua Præſentiā nos honoraverit, Ordinisque Festivitates Auguſtissimā Suā Personā condecoraverit.

VIII. Illud ad ſingulare universi Ordinis Trinitarii ceſſit orna- mentum, quando ob devotionem, quā Sanctos Fundatores noſtrós JOANNEM & FELICEM proſequebatur, ab INNO- CENTIO XII. Pontifice Maximo obtinuit, ut eorum officium Ecclesiasticum per totum terrarum orbem de præcepto celebra- tur, quam ille cauſam ſua potiſſimū Auctoritate evicit, ſcri- ptā in hunc finem ad Oratorem ſuum Principem Antonium Flo- rianum Liechtenſteinum luculentā epiftolā.

Auctor ut Il-
lavienſe Co-
enobium fun-
daretur.

IX. Illavienſe Coenobium ut a D. Georgio Szecheniō Archi- Epifcopo Strigonienſi tantā munificentia conderetur, LEOPOL- DUS MAGNUS Cæſar præcipuus Auctor fuit, ut ejusdem ad Archi-Epifcopum eundem teſtantur exaratae Litteræ, ipſeque Szechenius idem in Diplomate ſuo diſertis verbis fatetur.

X. Posonienſem conuentum noſtrum Regia Confirmatione ſtabilitivit. Pragensem verò tertia ante obitum die ſuīs manda- tis ſolidavit & fulcivit, ut paulo ſuperiū in decurſu hujus anni recenſuimus; plura facturus in Ordinis incrementum, ſi vita ſu- perſtite pacatiora tempora naectus fuiffet.

XI. Præcipuō tamen ſtudiō ferebatur in Redemptionem ca- ptivorum, quod ille Institutum mirificè ſemper probavit, eique augendo Auguſtæ Conjugi ELEONORÆ, ſuaptē ad hoc opus propenſe, persuasit, ut Nobilium Crucigerarum oblationes quotannis in captivorum Redemptionem erogarentur, quarum Ipſe Solemniis aſſiſtens centum aureos nummos ſingulis vicibus ad offerentium incitamentum, & uberiū captivorum ſolatium largiri conſuevit.

XII. Tantis a Faventissimo Cæſare cumulati benefiſiis, qui- bus nulla par eſt, nec eſſe potest noſtra gratitudo, pro aliquali hoſtimento tam insignium benefiſiorum præter multa ſacrificia, quæ ad aras litavimus, in omnibus etiam hujus noſtræ Provinciæ Ecclesiis Regiis ejus Manibus Solemnib⁹ inferiis parentavimus, Sa- crò nimirū cantatō & Diſtione funebri, quā Defuncti Impera- toris merita, & laudes prædicabantur. Id iſum etiam peculiariter præſti-

*A coenobiis
noſtris juſta
perioluta.*

*Redemptioni
captivorum
favet.*

*Posonienſem
Conuentum
coſtīmat:
Pragensem
urget.*

præstitit recens in nostra Ecclesia Viennensi instituta Sodalitas Sanctissimæ TRINITATIS, quæ Nobilissimo huic membro suo & Protectori extrema justa summo splendore persolvit. Manet igitur, & in ævum manebit Gloriosissima tanti Monarchæ nobis Memoria imis insculpta pectoribus, infixaque medullis, & ad seram propagata posteritatem nunquam obliterabitur. Debetur id meritò his ac innumeris aliis Clementissimi Cæsaris beneficiis, de quo id jure affirmare possumus, quod alter nonnemo scripsit: *Hanc unam a Te bahemus injuriam Cæsarum Mæcenas ter Optimè, ter Maxime, effecisti, ut æterna Tui memoriam lassati vivere & mori cogemur ingrati.*

1705.

Item pecula-
riter a Confa-
ternitate.

C A P U T XVII.

Obitus D. Ladislai Episcopi Nitriensis, Regni Hungariæ Cancellarii, Nostri Comaromiensis Cœnobii Fundatoris.

I. Post quinque dies ab excessu Augustissimi LEOPOLDI MAGNI Imperatoris VI. Idus Maji Funeris consortiō luctum nobis geminavit pia mors Reverendissimi & Excellentissimi Domini Fundatoris cœnobii nostri Comaromiensis D. Ladislai Episcopi Nitriensis & Regni Hungariæ Cancellarii. Alternis fatis ita properantur ad urnam caducæ res mortalia. Lenta infirmitas plenumque mortem accelerat, senioribus præsertim, quibus ex communi adagio Senectus ipsa morbus est. Et quid ego de senioribus loquor? Omnibus sanè mors singulis momentis infidiatur; omnes siquidem nascentes morimur, morituri vivimus omnes. Id ipsum non tam de se, quam de omnibus mortalibus Piissimus Job fatetur, dum ait: *de utero translatus ad tumulum.*

Mundana o-
mnia tendunt
ad interitum.Job. cap. 10.
v. 19.

II. Fidelis itaque hic DEI Famulus octo mensium decursu inter gravissimas ægritudinis molestias decubuit, ætate pariter fastidens quasi aurum in igne probatus, ut nitidorem animam ad astra transmitteret. Et ille quidem vitæ jam satur ob quotidianas eo tempore patriæ suæ clades, vulnera & calamitates ultimæ necessitatis horam a DEO præstolabatur, quam cum ex defectu viuum propius adesse sensisset, cognovissetque ex corporis imbecillitate vocantis Domini nutum, paratior ut cœlesti sponso occurreret, mundissimum paravit in anima Divinæ Majestati Dominicum, conscientiamque suam salutari poenitentiâ frequentius expiavit, & quoscunque quantumvis leves animæ nœvos in se observavit, eos protinus in aqua & sanguine, de fontibus Salvatoris haustris, eluit quam exactissimè. Sumptô deinde ad iter æternitatis sacrô Viaticô, & Sacrô Oleo ad eliminandas defectuum suorum reliquias, ad supremamque cum morte luctam inunctus omnes cogitationes suas ad cœlestia transtulit, & humanarum rerum pertæsus cum Superis deinceps conversari voluit.

Diurna E-
piscopi ægri-
tudo.Ad mortem
piissimè se dis-
ponit sumptis
Sacramentis.

III. Tempus nunc esse, & partium nostrarum rectè arbitrabamur, gratitudinis officium assiduis pervigiliis Beneficentissimo

4. Nostri es-
continuè alli-
stunt.

B b b b

Funda-

1705. Fundatori nostro speciatim contestandi: quatuor ergo ex nostris diu noctuque sibi invicem succenturiati morienti Episcopo semper affitterunt, ut eum in suprema hac necessitate & piis consiliis consolarentur, & spiritualibus colloquiis recrearent, ac denique transitum ejus suis precibus munirent. Tandem die decima Maji, quod luctucentiora signa instantis mortis apparerent, ad grabati latus utrumque nostri in genua provoluti DEUM pro decedentis anima, aut precibus exorabant, vel salutaria ex Sacris scripturis ad fidem, spem & charitatem corroborandam monita inspirabant, vel, ut Christianus mos est, DEO egredientem animam pie commendabant. His charitatis officiis ab ingressu meridiei usque ad horam ferè nonam constanter perfuncti sunt, quo tempore Devotissimus Præsul mente integra & sensibus animam Creatori suo in osculo pacis reddidit ætatis suæ anno quintō & sexagesimō, atque adeò par ætate Augusto LEOPOLDO Imperatori, cui etiam haud disparem vitæ finem consecutus est fidelissimus DEI, Cæsar, & Patriæ Minister:

Obiit 10. Maji.
Ab Imperatore ejus obitus prædictus fuit.

IV. Paucis ante mortem utriusque diebus fertur Augustissimus LEOPOLDUS Imperator, cùm jam propè in extremis ageret, ex astante Eminentissimo Cardinali Kolloniczio sciscitatus fuisse, ut valeret Nitrensis Episcopus? Cui postquam Cardinalis respondisset, eum diurna ægritudine exhaustum viribus notabiliter destitui. Subjunxit Imperator: *Regem in eternitatem ocyus sequetur Regni Cancellarius.* Vaticinio simillimum dictum, cuius veritatem exitus post paucos dies comprobavit.

V. Sed quoniam mortem tam insignis Præsulis succinctō jam calamō descripsi, nihil abs re fecero, nec extra viam magnoperē ivero, si diverticulum isthoc capebam, atque in Lectorum gratiam ejus reliquam vitam brevibūs delineem ex diversis notitiis, quas mihi suppeditavit Magni illius viri & Episcopi in tertio consanguinitatis gradu cognatus, Illustrissimus nempe Dominus Elias Beneczius Sacrae Cæsareæ Regiaeque Catholicæ Majestatis Consiliarius; est autem ferè hujusmodi: Ladislaus Mattyassowski fuit oriundus e Comitatū Lyptoviensis Pago Mattyassowicz dicto, utrinque ex Nobilibus vetustorum stemmatum Parentibus, Patre quidem Georgio Mattyassowicz adhuc in viridi ætate nocturno tempore a prædonibus interempto. Matre vero Sophia Horanszky Stanislai quondam Horanszky filia. Noster igitur Ladislaus ante tempus patre orbatus primis litterarum elementis in trivialibus ludis imbutus, tandem sublimioribūs artium doctrinās excolendus se Tyrnaviam contulit, ibidēmque absoluto Curia Philosophico Divini Numinis instinctu ad Statum Ecclesiasticum vocatus Romam se contulit, ubi in Collegio S. Apollinaris Sacrosanctæ Theologiæ Lauream obtinuit. Demum ex illo omnigenae eruditionis Emporio Annō salutis 1666. in patriam redux postquam ejus temporis Archi-Episcopo Strigonensi Georgio Szelepczenio aliquamdiu in Sacellani munere servivisset, Parochialibus muniis Szeredini juxta Fluvii Vagi marginem obeundis admotus fuit, ubi Divini verbi præconio non sine ædificatione multarum animarum

Reliqua vix.

Natales.

Studia.

Roma Doctoris laureatus consecutus.

Ecclesiastica munia & Dignitates.

animarum & inculpatæ vitæ laude incubuit. Post hæc ad altiores honores promotus primùm quidem Posonii in Collegiata, deinde verò in Strigonensi Metropolitana Ecclesia Canonici dignitatem adeptus est; fuit etiam Archi-Diaconus in Dioecesi Nitriensi, & titulum Abbatis S. Helenæ de Madocza obtinuit. Sub Georgio Szechenio Archi-Episcopo Strigonensi Vicarii Generalis officium administravit idque magna scientiæ & integritatis commendatione. Transivit demum virtutum ac meritorum gradibüs evectus ad Præposituram S. Martini in Scepusio cum charactere Electi Episcopi Temnensis, ubi aliquot annis commoratus rem Sacram simul & œconomicam ibidem jamjam labascentem tanta dexteritate tractavit, ut, quod antehac seu temporum injuriis de jure dictæ Præposituræ decessit, seu Regularis administrationis defectu imminutum fuit, sua solitudine cumulatissimè resarcierit. Cùm autem Civitas supra montem posita nequaquam occultari valeret; placuit LEOPOLDO I. Augustæ memoriae Imperatori pia integri viri Conversatio, placuere pariter diversa ejusdem eruditionis & doctrinæ monumenta, placuit denique tontoperè recondita politicarum & juridicarum rerum cognitio, ut post pium Blasii Jaklin Episcopi Nitriensis & Cancellarii Regni Hungariæ ex hoc mundo transitum ad eundem Episcopatum sublimari meruerit, addito quoque Cancellarii munere, quod ab Antecessoribus Episcopis pridem fuerat administratum. Quod officium ille absque ulla fastū suspicione totō decenniō sanctissimè obivit; justitiæ stateram ita moderatus est, ut nunquam in libramine ejusdem defectus quispiam comperiri valuerit.

VI. Demum cùm sentiret corpus suum diversorum morborum infestationibus oppugnari; & quidem hinc arthritide cum paralyssi juncta, illinc verò tympanitide cum asthmate suffocativo copulata, facile præfigere potuit, ingratos hospites istos mortis sese insinuantis infallibilis esse prodromos. Ut ergo Cœlum sibi propitium redderet, universam substantiam suam in pauperes divisit; nonnullis enim sacris Ordinibus, ut Religiosorum hominum preciibüs ejus anima adjuvaretur, opimas instituit Fundationes: & quidem Patribus Ordinis S. Francisci Minorum Okolicenses, ad Provinciam S. Salvatoris spectantibus, conventum Vago fluvio vicinum, jámque in rudera desinentem pristino nitori restituit. In natali demum solo suo, pago videlicet Matyassowicz Xenodochium optimè dotatum fundavit. Vallem posteà Auxilii seu Carthusiam S. Antonii de Lechnicz PP. Camaldulensibus, ut perpetui Asceterii nomenclaturam retineret, immansumtu e manibus sœcularium exemptam, jure perpetuo transscripsit. Societati insuper JESU, præter ea, quæ in vivis eidem affatim elargitus est, foundationem insignem ad collegium Szegedini erigendum constituit, sub hac tamen conditione, si ibidem tutatio ab invasione Turcarum maneret; quod si autem urbs illa a barbaris aliquando occupanda timeretur, decrevit, ut hæc fundatio cederet in perpetuam sustentationem decem Patrum Missionariorum ex eadem societate JESU. Deinde Patribus qui a Scholis

Infirmitas.

Fundationes.

1705. piis nomen habent, adhuc vivus jaēto fundamentali Nitriæ lapi-
de collegium stabilivit. Et ut eō melius doctrinæ salutaris surcu-
li radices agerent, convictu etiam Nobilium locupletavit. In ea-
dem porrò Civitate Seminarium Clericorum sub Protectione S.
Ladislai Regis Hungariæ ubere cum proventu plantavit. Et, ut
has omnes pias ipsius Fundationes Sanctissima TRINITAS unus
DEUS in perpetuum conservare dignaretur, Ordini nostro Con-
ventum in Hungaria, qui nunc est Comaromiensis, erigendum
in ultimis suis tabulis ordinavit. Postea, ut & Familiae suæ jam
a compluribus sœculis florenti, ex accessionibus reddituum, &
bonorum immobilium incrementis major nitor & decus accede-
ret, Fratrueli suo Georgio Mattyassowsky arcem Lednicz cum
amplissimo Dominio reliquit. His omnibū ritè dispositis ad iter
æternitatis ineundum se paravit, ut superiùs jam memoravimus.

Sepultura.

Memoria in
Conventu no-
stro Camaro-
mensi.

VII. Apparatum funebrem perquām humilem esse voluit, vir
verè Apostolicus, qui in omni vita sua mundanam pompam in-
fensissimè oderat. Corpus ejus die duodecima ejusdem mensis
Maji post Solis occasum ad templum Domūs Professorum Socie-
tatis JEsu Sandapilaro curru devectum ibidem in conditorio æ-
què humili requiescit in pace, cuius piissimam animam, omnium
siderum altitudinem dudum supergressam fuisse, minimè dubita-
mus. Cæterū ad perpetuam Tanti Præsulis de nobis optimè
meriti memoriam in nostro Cœnobio Comaromiensi marmorea
extat tabula infra fenestram ad gradus marmoreos, quibūs ad
dormitorium ascenditur, cui uncialibūs litteris sequens insculpta
legitur inscriptio :

D. LADISLAO EPISCOPO NITRIENSI
HUJUS DOMUS FUNDATORI BENEMERITO,
UT EJUS AD ARAS JUGIS FIAT MEMORIA,
HOC POSITUM EST MONUMENTUM.
ANNO DOMINI M.DCC.XXXIII.



AN.